

Situacion di dengue den Caribe ta hopi serio!



Pa evita tiponan di sangura cu por bin cu malesa lo bay cuminsa controla barco y avionnan. Lesa pagina: A2

Trahadonan ta cauteloso ora di traha cu asbest



Pagina A4




Sr. Ricardo Muller,
"Inspecteur Eerste Klasse"!

Pagina A8

Departamento di Cultura Aruba yegando 35 aña di servicio cultural





Pagina B10




Let the party get started!
SETAR Gaming Show
Featuring: **DJ BigRig**
NutzBeatz
DJ Kristian

THE ULTIMATE GAMING EXPERIENCE

August 17th @ Renaissance Convention Center
4 pm - 12 am

139 www.setar.aw Follow us on  



Roke Dirks di GKMB riba epidemia di dengue:

“Situacion den full Caribe ta hopi serio”



ORANJESTAD – Den varios medio di comunicacion a sali cu tin un preocupacion masivo pa loke ta trata e situacion di dengue den Caribe. **BON DIA ARUBA** a papia cu director di departamento di GKMB (Gele Koorst Muskieten Bestrijding, den boca di pueblo departamento di sangura), Sr. Roke Dirks, kende a confirma cu nos cu e situacion den full Caribe ta hopi serio. El a sigui bisa cu na Brazil te cu siman pasa ya nan e casonan a pasa riba 200 pa 300 mil. Pero tin cu tene cuenta cu e ta un pais cu ta consisti di miyones di habitante. Sinembargo cifra nan di Costa Rica ta muestra serio. Si bay mas cerca di cas na paisnan manera Guatemala, Nicaragua, Venezuela, Colombia, e preocupacion ta birando alarmante. Sr. Dirks a sigui splica **BON DIA ARUBA** cu e situacion aki ta den casi tur pais, incluyendo St. Maarten cu ta cay bao di Caribe, ta muestra cu e situacion a bira un epidemia. No obstante, na e paisnan aki, e temporada di awasero ta cuminsa for di den luna di April, mirando cu na e paisnan ya menciona, awa ta cay mas hopi, compara cu Aruba.

CASONAN ABAO

Casonan na Aruba ta hopi abao, segun Sr. Dirks, mirando cu temporada di awasero ta cuminsa rond di Augustus/September. Mas criadero na Aruba cu ta haci cu tin hopi mas adulto di *Aedes Aegypti*, consecuentemente ta haya

hopi mas caso di dengue. Te na e momentonan aki indice di e cantidad di casonan na Aruba ta rond di 3%, 3.5%, segun Sr. Dirks. Loke cu si tin cu preocupa ta ora cu e nivel subi di 4% pa 4.5% di e total casonan cu ta infecta. Automaticamente mas e porcentahe subi, ta indica cu tin mas criadero, tin mas sangura adulto automaticamente y e ora ta haya mas caso di hende ta wordo infecta cu e virus di dengue, segun Dirks.

NUNCA A STOP DI CONTROLA

Nunca departamento di GKMB a stop di tene nan control. Unico diferencia ta cu nan semper ta prepara nan mes mas miho cada biaha pa nan por combati e sangura pa nan por ta ora cu e periodo di awasero bin. Loke e departamento ta bin ta haciendo ta reforsa e control na e areanan vulnerabel y esey kiermen cu nan ta check tur e luga nan cu constantemente tin criadero. E por ta dumpnan ilegal, ta check eseynan, ta check luganan cu tin hopi tire, manera e tire shop. Tambe ta controla santananan. Hopi biaha tin un custumber cultural cu despues di entiero ta cuida nos hendenan den santana, door di pone flor cu awa, tene graf bunita. E obhetonan aki tambe ta atrae sangura. Dado momento e por bira un criadero. Tin grafnan tambe ta keda habri y no ta uza ainda. Tin hende ta traha graf pero no a uza nan ainda, anto tur ta yega cu awa.

SANGURA ADAPTA NA NOS MEDIO AMBIENTE

Departamento di GKMB a haya bishita algun siman atras di profesor dr. Reyes, kende ta un entomologo (un persona cu ta haci investigacion riba sangura of otro insectonan) kende a bin haci un investigacion caminda a bin sali na cla cu e sangura *Aedes Aegypti* ta adapta su mes na e medio ambiente. Sr. Dirks a sigui splica cu na Aruba a bin haya awo loke no tabata antes, cu tin e mesun *Aedes Aegypti* ta broei, pero den awa sushi. Semper tabata tin e impresion cu e sangura ta broei den awa limpi.

NO TA UN MUTANTE

Sr. Dirks a refuta cu e sangura di *Aedes Aegypti* ta un sangura cu a adapta. Simpel ta cu el a adapta su mes, den e caso di Aruba, na su medio ambiente. Riba su mes no ta nada dramtico, Sr. Dirks a comenta. Unico cos ta cu awo mester controla awa sushi tambe. Esey ta loke GKMB ta haciendo. Mester tene mas accion riba plasnan cu tin awa cu ta keda para largo, manera Bubali Plas, e otro banda di Bubali Plas, otro banda di caminda, na altura di e casnan grandi, caminda ta haya un plas cu no ta seca nunca. E plasnan ey tin cu pone mas atencion riba nan, Dirks a menciona. De facto loke mester haci ta tene control mas rigido. Esey ta e tarea cu GKMB a haya pa haci.

30 HENDE RIBA CAYA

Basicamente loke e departamento ta haciendo ta tene un control di cas pa cas, cu 6 ploeg di 5 persona, mas of menos 30 persona. Fuera di esey, tin sosten di e supervisornan, kendenan tambe ta controla pafo. Dirks a menciona cu scolnan tambe ta yama e departamento pa haci trabaonan specifico, en particular ora e indice di casonan di dengue ta bay halto, caminda nan ta tene un accion pa controla na tempo.

UN DEPARTAMENTO MULTIFACETICO

E departamento ta wordo parti den hopi parti. Tin entre otro e casnan individual cu nan ta controla, tin loke nan ta yama sitionan cu ta vulnerabel, hospital, ta bay 4 biaha pa aña tur e hotelnan cu e motelnan cu compleho di apartamento etc. Tambe nan ta bay tur e areanan vulnerabel manera casnan di anciano, ta check e scolnan ora pidi y tur luga cu hendenan ta aglomera na hopi. E departamento ta consisti di tiki hende, pero nan ta haci hopi.

REFUERSO

Dirks a menciona cu Departamento di GKMB ta contento cu tin un persona cu a bin reforsa e departamento cu sosten tecnico, aunke cu pronto e lo traha cu e departamento mes. Ta trata aki di e hoben Clayton Croes, kende tin un Masters Degree den biologia. E ta encarga actualmente cu e investigacion, segun Sr. Dirks, por mira e tipo di sangura cu tin

na Aruba, fuera di *Aedes Aegypti*. Aki por mira cua otro sangura lo nos tin na Aruba cu por haci hende malo. Ta conoci cu tin *Aedes Aegypti* so. Pero haciendo investigacion por bin conclui cu tin otro sangura cu ta porta do di malesa.

PREPARA PA YOBIDA

Dirks a bisa por ultimo cu tin cu tene cuenta cu Aruba ta drentando den un periodo di awasero cu mayoria biaha ta cuminsa den e simannan di Augustus, e ta sigui bay September te cu e prome dos lunanan di aña. Tin cu cuminsa tira un bista rond di cas, haciendo esaki masha simpel. Tur locual cu ta contene awa, ta un criadero potencial, segun Dirks. E sangura ta pone un webo, djey e ta bira un larva y si no ruim op esaki, e larva ta bira un sangura cu por pica, den e caso aki nos mesun yunan, nos hendenan grandi cu ta vulnerabel. Un biaha mas Sr. Dirks kier a haci un yamada na poblacion cu awor ta e momento pa cuminsa tira bista rond di cas pa ora cu tin obheto cu no ta uza, benta nan afo. No warda nan. Si bo kier colecta awa den un drum pa muha mata, esaki ta posibel, pero tape cu un paña y e ora bo ta safe. Tur otro obheto cu no ta wordo uza cu ta cosnan pa benta afo, deshaci di nan y e ora ey bo cura ta esun sigur cu lo no haya criadero. E ora ey no tin molester di bo mesun situacion di dengue na bo cas ni pa esun di e bisiña. □

Pronto GKMB lo bay cuminsa controla barco y avionnan

ORANJESTAD – Pa evita tiponan di sangura cu por bin cu malesa di malaria of cualkier otro malesa, departamento di Gele Koorst Muskieten Bestrijding (GKMB) pronto lo bay cuminsa controla barco y avionnan.

ARUBA TA CERCA Y NOS TA KEDA VULNERABEL

Sr. Roke Dirks, director di e departamento aki, a comenta na **BON DIA**

ARUBA cu e ta na altura cu tin e malesa di Malaria na Venezuela y Aruba ta cerca y vulnerabel. Aruba ta habri pa tur entrada di tur barco di fruta, barconan cu ta trece carga, barconan di turista y no ta nada straño cu sangura por wordo transporta na e manera aki. Ta pa e motibo ey mester ta cuidadoso. No solamente ta combati esaki, pero ta pro activo y ta haci hopi mas pa procura pa e departamento ta pendiente di

loke ta pasa rond di nos na Aruba.

CONTROL NA NOS

ENTRADANAN PRINCIPAL

Basicamente e departamento pronto lo bay den un reorganizacion. Segun Sr. Dirks, Departamento di GKMB lo cuminsa bek na controla barco y hasta avionnan. Tin cu tene cuenta cu sangura por ta porta do di cualkier malesa y no ta bula mas cu 100 meter. Mirando e distancia cu e sangura ta

bula, riba barco cu ta leu for di costa, e sangura no lo yega Aruba bulando. Un bes cu e ta na Aruba, o sea el a bin den carga, fruta, etc. e por haci su entrada na Aruba.

Ta pa e motibo ey Departamento di GKMB tin e intencion di bay controla den futuro entradanan na Aruba. Esey ta un di e proyectonan cu departamentu di GKMB lo cuminsa pronto. □



A papia di realisacion di plataforma di siguridad sin cu e sindicato t'ey presente

Sindicato TOPA no a wordo invita pa Dialogo Social

ORANJESTAD – Ta hopi straño cu Minister Presidente te awo numa a trece un punto dilanti den Dialogo Social, cu ta siguridad. Segun Sr. Rene Bernabela, presidente di Sindicato Topa a comenta cu segun un publicacion cu e por a lesa recientemente, e por a mira 21 punto di accion cu a keda acorda den Dialogo Social, caminda un comision di coordinacion lo bay wordo institui prome cu dia 1 di September, pa realisacion di un plataforma di siguridad. Esaki ta consisti di Kustwacht, Polis, Douane, Inmigracion, AAA, APA y tambe ta papiando cu Polis ta bay haya mas instancia pa traha

mescos cu personal di KIA. Bernabela kier sa mas detaye kico ta e puntonan cardinal cu ta bay wordo enfoca den e acuerdo aki cu a wordo firma entre e algun sindicato, gremio comercial y gobierno cu locual nan a yega na dje den un forma di protocol, mirando cu sindicato TOPA no tabata invita pa e Dialogo. Sindicato TOPA tin miembro na Inmigracion, na KIA, den Cuerpo Policial, den Cuerpo di Douane y con por ta posibel cu ta papia di un dialogo social y e sindicato mes no tabata t'ey presente, segun presidente di TOPA, Sr. Rene Bernabela. □

Banco Central

Lo bay tin un encuesta pa midi e posicion financiero di nos hogarnan



ORANJESTAD – Dentro di algun dia Banco Central (BC) lo bay tin nan di dos encuesta pa loke ta trata e posicion financiero di e hogarnan. E prome a wordo haci den e prome kwartaal di aña 2010. E encuesta aki lo cuminsa diasabra awo dia 17 di augustus te cu 15 di September. Motibo pa e encuesta, ta pasobra si un hogar su finanza ta sano, e famia aki por haci compras cu lo stimula e economia, cual na su turno lo afecta nos GDP (Gross Domestic Profit), economista, sr. Jonathan Upegui ta splica.

“Si un hogar no tin un finanza

saludabel, e por causa pobreza, e persona por bay den hopi debe y por hasta bira un situacion unda e persona no por paga debe mas. Pregunta ta e ora, ken lo paga e debenan aki? Consecuentemente e lo afecta e empresanan aki tambe”, Upegui ta indica.

Segun Upegui, na e momentonan aki tin falta di e informacion aki y ta p'esey BC ta haci e encuesta aki. Un di e metanan ta pa tambe purba haya informacion di con e consumo y e custumber nan di ‘spaar’ di e famianan ta y cua ta e areanan vulnerabel di e hogarnan di Aruba. Esaki

por yuda BC cu nan maneho y e desaroyo economico. Asina tambe nan kier compara e resultadonan di e encuesta aki cu esun anterior.

Lo bay tin 20 encuestado cu lo bishita 1400 hogar na Aruba. Esakinan lo tuma lugar parti atardi y tambe den fin di siman. Preguntanan cu por spera, ta entre otro, edad di e persona, tamaño di e famia, si tin trabou, si tin pensionado, tambe e entrada financiero pa e hogar y nan rikesa. Consumo di e hogar, manera coriente, awa, telefon, recreacion, si tin fianza personal, si esaki ta paga manera mester

ta of si tin retraso. BC sa cu e tipo di informacionnan aki ta poco sensitivo y tambe priva, pero nan ta garantisa cu e datonan aki lo keda priva.

Pa crea in incentiva pa e participacion na e encuesta, BC lo rifa dos tablet entre e 1400 hogarnan. E resultado di e encuesta aki

ta premira cu lo dura un por medio di 8 luna. Otro instancia tambe lo por bay haci uzo di e resultadonan aki, manera entre otro, banconan comercial, instancianan cu ta traha cu famianan cu tin problema di finanza, cu nan ta uza den nan analisis y trabounan diario. Encuestadonan lo tin un identificacion di BC. □



BON DIA *Aruba*

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #1330772

Gerente General
Maruschka Bernadina Croes

Sub-Gerente Editorial
Dionne Fradl-Jie Sam Foek

Redaccion
Jenisse Thiel
Lia de Cuba
Margarita Els
Maritza Tromp-Lacle

Redactor Deportivo
Nathalie Winterdaal

Colaborador
Oscar Vidal
Seever Krozendijk

International
Mariano Heyden

Fotografo
Dino Tromp
Wendy Kelkboom

Ehecutivo di Benta
Marijke Croes-Luidens
Mark Gomes

Diseño Grafico
Michael Arendsz

Aviso y Arte
Sandra Loefstop
(Hefe di reservacion)
Gladis Palomino Silva
Lando Rafael
Robert Cortez

Administracion y Distribucion
Mariette Engelhart
Martha Arteta de Ariza
Jenny Lobbrecht - Kelly

Collecion
Evelinda de Cuba - Tromp

Pre Press
Luis Fernando Arenas (Hefe)
Pablo Libre

Press
Roland Schenker (Hefe)
Omar Ramirez
Yair Gambin
Francis Dirks
Martin Boekhoudt

Agenda di Noticia
Associated Press
New York Press
Afilacion
Sociedad Interamerica di Prensa (SIP)

DIRECCION
Weststaat #22
Tel: 582-7700 / Fax: 582-7044
email: noticia@bondia.com
BON DIA ARUBA
Ta un Corant redacta y imprimi na Aruba y ta obtenibel di Dialuna te cu Diasabra. Ningun contenido por wordo reproduci sin permiso di Editor. www.bondia.com

Sr. Albert John Stiefel di Van Kessel Havenbouw N.V.

Trabaonan di renovacion di Mon Plaisir Basis y Kleuter lo dura 100 dia

ORANJESTAD- E siman aki a cuminsa cu e renovacion di e scolnan Mon Plaisir Basis y Mon Plaisir Kleuterl. Esaki tabata un proyecto cu tabata pendiente pa basta tempo caba, y por corda cu por a ripara trabaonan cu a cuminsa riba e dak di Mon Plaisir Basisschool. Esaki a bay cu masha cuidao, ya cu ta trata aki di dak di asbest, pa cual e trahadonan cu ta encarga cu esaki mester bisti trahe special pa cu esaki.

DIRECTIVA DI SKOL
BON DIA ARUBA a tuma contacto cu Sra. Belinda Wout, di S.P.C.O.A. Sra. Wout a informa na BON DIA ARUBA cu nan tabata na altura cu e trabaonan di renovacion lo cuminsa, y nan ta hopi contento cu por fin esaki por wordo realisa. Pero e hecho cu e renovacion a cuminsa ariba un termino asina cortico, a bin manera un sorpresa pa nan. Esaki a trece cun'e cu nan lo mester ubica e muchanan na un otro luga, pa e duracion di e trabaonan na Mon Plaisir Basis – y Mon Plaisir Kleuterschool.

VAN KESSEL HAVENBOUW N.V.
BON DIA ARUBA a tuma contacto cu Sr. Albert Stiefel, di Van Kessel Havenbouw N.V. E compania ta esun encarga cu e renovacion di tanto Mon Plaisir Kleuterschool y tambe Mon Plaisir Basisschool. E trabaonan na e scolnan lo tin un duracion di 100 dia. E dos scolnan lo haya un "face lift" completo y no solamente lo traha ariba e dak. A cuminsa na baha e dak, cu si tur cos cana segun plan, lo caba diadomingo awo. Sr. Stiefel a enfatisa cu esaki



no ta algo sigur, ya cu semper mester tene cuenta cu cualkier inconveniencia cu por bin dilanti y pa cual lo mester desvia di e plan en cuestion. Mester bisa cu e biaha aki, trahadonan tabata mas cauteloso ora di traha cu asbest. Nan a tuma e medidanan necesario, den forma di bisti e trahenan special y e mascara pa oxigen pa asina nan no inhala e stof di e asbest. E trabaonan ta encera renoba dak, plafond, pone bentananan nobo, etc. Tur loke tin di haci cu renovacion di e scol.

RAPPORT DUSHAR N.V.
For di Juni aña pasa un rapport a wordo traha pa Dushar N.V. relaciona cu e problema di asbest na Mon Plaisir Basisschool y como tambe Mon Plaisir Kleuterschool. Den e rapport ta para cu e situacion di asbest ta forma un peliger y cu lo por bira pio. Mayornan a busca informacionnan pa sa



e peligeran cu asbest tin pa un mucha. Por ehempel, un mucha ta haya pida asbest benta abao riba e speelplaats y ta hunga cu esaki. Esaki por tin consecucionnan pa e mucha su salud den futuro. Den nan rapport, Dushar N.V. a menciona cu e edificio ta forma un peliger. Tabata tin insinuacionnan cu asbest no ta peligroso y cu e problematica na Aruba no ta dje grandi ey. Pero si bay busca riba website, e.o. di

www.rijksoverheid.nl y TNO por haya hopi informacion di e problema grandi cu asbest ta trece cun'e. Na October ultimo, ora cu e peliger di asbest a bira conoci, a dicidi cu no por sigui duna les na e scol mas. Pa tal motibo a pone e muchanan, temporal na e siguiente luganan: Kleuter- YMCA Klas 1-2-3- VAD Klas 4-5-6- DOC. Esaki lo ta mesun localidadnan cu nan lo uza pa ubica e studiantenan? □

Segun Ing. Marlon Croes di DOW

Pa denuncia graffiti riba muraya di edificionan di gobierno ta un responsabilidad colectivo

ORANJESTAD- E tema di graffiti un biaha mas ta lantando cabes y pa esaki **BON DIA ARUBA** a acerca Ing. Marlon Croes di Dienst Openbare Werken (D.O.W.) pa asina haya sa un poco mas di kico ta e reglanan y kico DOW ta haciendo riba e tema aki. Esaki pa motibo cu por wak hopi cos pinta pa mas cu un aña caba y nada un ta ser haci pa kita esakinan. Ing. Marlon Croes ta splica mas riba esaki.

MANEHO

Segun Ing. Marlon Croes a splica na **BON DIA ARUBA**, DOW no tin un maneho specifico pa loke ta trata graf-



fiti, pero ora cu DOW wak algo asina ariba un edificio di Gobierno, ta señala e departamento mes cu ta maneha y ta responsabel pa e mantencion di edificionan di gobierno, cu

ta Departamento di Infraestructura y Planificacion (D.I.P.). D.I.P. na su turno lo haci lo necesario pa tapa e graffiti cu tin. Esey ta e procedura normal y DOW tin un rol di duna

sosten na DIP. Pero ta papia di graffitinan cu tin varios luna riba un edificio di gobierno y un box di Elmar. Ing. Marlon Croes ta sigui splica cu un edificio di Go-

bierno ta edificio di pueblo y pa esaki lo mester tin responsabilidad colectivo. DIP of DOW of tambe e usuario of e comunidad wak algo cu ta bay contra di nos normanan, por denuncia esaki di biaha na DIP. Mantencion di edificionan no ta responsabilidad di solamente di departamento di gobierno e ta responsabilidad di nos tur pa tuma medida di biaha.

DOW conhuntamente cu DIP ta trahando pa bin cu un strategia unda cu lo coregi loke tin caba y tambe pa bin cu un campaña preventivo pa cu esaki, Ing. Marlon Croes a termina. □



Awe lo hiba S.A.R. Prins Friso na su ultimo luga di sosiego

DEN HAAG/ORANJESTAD- Awe ta e dia unda cu lo hiba S.A.R. Friso na su ultimo luga di sosiego. E entiero lo ta uno di caracter priva, di acuerdo cu e bida cu Prins Friso semper a biba: hopi cuidadoso di su privacidad.

MEDIA NO TA PRESENTE

Medionan di comunicacion lo no ta presente na e entiero di Prins Friso. Esaki ta segun Rijksvoorlichtingsdienst a informa. Medionan di comunicacion, tanto skirbi como di television lo ricibi imagennan di e entiero pa asina mantene e publico informan.

BANDERANAN HALFS-TOK

Awe ta dia cu banderanan di Hulanda y di Aruba y den henter Caribe Hulandes lo ta bula halfstok. Esaki ta riba peticion di Prome Minister Rutte, pa ariba dia di entiero.

MISA NA MEMORIA DI PRINS FRISO NA LECH

Den e pueblo Austriaco di

Lech, a tene un misa den aire liber na honor di Prins Friso. E misa a wordo teni den oranan di merdia den e misa Sankt Nikolaus, na 1700 m di altura den e cero nan. E misa a conta cu presencia di mas di 1000 persona, entre nan varios turista Hulandes, segun medionan di comunicacion di Austria.

Durante e misa, cu ya tabata planea pa fiesta di Maria Asuncion, pastoor Jodok Muller a recorda con hopi Friso tabata stima e escena aki. Alcalde Ludwig Muxel di Lech a recorda Friso y Famia Real den oracion.

E prins a bay den un coma dia 17 di Februari aña pasa, despues di un accidente di ski na Lech. Dialuna ultimo e Prins a fayece na paleis Huis ten Bosch na Den Haag, na edad di 44 aña. Prins Friso lo wordo dera awe na Lage Vuursche na Baarn.

Cu Prins Friso sosega na pas. □



Aunke cu TOPA no a haya feedback riba e leyman cu ta regarda e personal di KIA ainda

Team di Maneho di KIA ta haciendo nan posibel pa acelera promocion di e empleadonan



ORANJESTAD – BON DIA ARUBA a papia cu Sr. Dick van Leenen di e team di maneho di e KIA, kende a sigura cu ya un gran parti di e promocionnan di e empleadonan di KIA a wordo trata y falta un grupo chikito so pa deal cun'e, cual lo keda finalisa pronto.

NO A HAYA FEEDBACK
No tin ningun feedback pa loke ta trata e landsbesluit pa e personal di KIA manera a wordo priminti di parti di e team di maneho di KIA, segun presidente di TOPA, Rene Bernabela. E ta conta BON DIA ARUBA cu te ainda di

local sindicato TOPA por a tende di e ultimo encuentro cu tabata tin cu e team di maneho di KIA, encabesa pa Sr. Wijnenberg, cu lo drenta den contacto cu e departamento di Recursionan Humano di Gobierno, pa mira con leu e landsbesluitnan di e personal di KIA ta. Te asina leu, e sindicato lo mester wordo poni na altura di e ultimo desaroyonan loke ta regarda esaki. Mirando cu Sr. Wijnenberg a bay cu vacacion, Sr. Nuñez y Sr. van Leenen, kendenan tambe ta forma parti di e team di maneho, a keda encarga pa haci e follow up. Sr. Bernabela a comenta na BON DIA ARUBA cu e sindicato ta en espera di un yamada pa asina bolbe sinta na mesa pa nan wordo poni na altura di e ultimo desaroyonan pa loke ta trata e landsbesluit.

LO ACELERA PROCESO
Di un otro banda hunto cu e



trayecto di promocionnan atrasa, tin algun curso cu ta pertenece na dje. E ultimo examennan cu a wordo haci ta mas of menos 2 siman pasa caminda Minister di Husticia, Arthur Dowers mes a entrega diploma. "Mester cumpli cu e exigencianan cu e landsverordering ta pidi pe". Van Leenen a splica. El a sigui splica BON DIA ARUBA cu tambe a cuminsa acelera e proceso di promocion cu e empleadonan tin derecho riba dje. Pa esaki nan mester a cumpli cu nan obligacionnan.

MAS PERSONAL

Banda di dje tin e curso basis opleiding nobo cu ta wordo duna na e instituto di polis, a bin cu un klas nobo di cuidador di preso cu ta trahando caba y un tin un otro grupo cu ta coriendo stage. Otro luna lo bay tin un curso di recapacitacion riba derechonan penitenciario. Esey lo wordo brinda pa purba di ofrece e empleadonan loke nan ta desea kier.

E klas "petinentieel beveiliging" cu ta cla na e momentonan, tin 15 hende. Segun van Leenen, danki na e grupo aki, e team di maneho por a haci un tiki mas pa e trahadonan.

MAS CUIDADO DI PRESO

Mester tin mas cuidado di preso, Sr. van Leenen a admiti. Pero manera tur organizacion cu kier mas personal, mester por ofrece mas oportunidad. KIA actualmente ta trahando cu loke nan tin actualmente, pero ta spera cu e klas cu gradua, por haya mas cuidado di preso. Van Leenen a sigui bisa cu pa basta aña KIA no tabata tin empleo extra, pero ta spera cu pa 2014, e situacion aki por drecha. □



KAY'S FINE JEWELRY
ARUBA • ST. MAARTEN • ST. KITTS

"Luxury with a family Touch"
Aruba-St. Kitts-St. Maarten

Kay's Fine Jewelry is looking for **4 EXPERIENCED** sales associates to join our team!
2 positions available for Havenstraat 25-A (daytime hours)
2 positions available for La Hacienda (evening hours)

Must possess these qualities:

- Must be fluent in English
- Must be hard working

Benefits

- Salary (based on experience) plus
- Commission on sales

If you feel you possess these qualities please email your resume to us at ash@kaysfinejewelry.com or drop off your resume at Havenstraa 25-A (next to Boolchands)



HITESS
HIGH TECHNOLOGY SALES & SERVICES N.V.
DUTCH CARIBBEAN

HITESS N.V.
Arendstraat 124
Tel : +297 - 588-5966
Fax : +297 - 588-5895

Ata nos super summer special .

For Sliding Gates

DEIMOS Kit

- 1 BFT DEIMOS motor
- 2 Remote Control
- 1 pair di Photocells
- 1 Blinker cu Antenna
- 4 Plastic rack di 1m



Valido te cu 10 Augustus-2013
(Tanten cu tin den stock.)

AFL. 1,350.00

incluyendo BBO

Instalacion no ta inclui.

Nos horario: Dialuna- Diabierna 8:00 am - 5:30 pm
Diasabra di 8:00 am - 12:00 pm

Email : info-aruba@hitecss.com

Jama nos na 588-5966

CLASIFICADO TA BENDE

1 Plastic glass clear
6 mm x 205 cm x 75 cm
Di Dytham
Prijs Fl.200
Cel. 593-9369

200097

BOBCAT



Limpia y rosa tereno. Ta tira sushi afo y tambe bende graniet

593-5456

Paseo Herencia

"nos orguyo... Aruba's pride"

STORES ARE OPEN FROM
10 AM - 10 PM
RESTAURANTS ARE OPEN
FOR BREAKFAST, LUNCH
AND DINNER

Shopping, Dining & Entertainment



Welcomes

TOMMY HILFIGER

Stores and Restaurants:

Action Tours Aruba	Happy Monkey	La Creperie de	Mia Boutique	Pearl Gems	TGI Friday's
Aruba Aloe	Havana Nines	Paseo	Murano Bijoux	Pizzo's	The Cinemas
Baci da Roma	Horse 'n Carriage	La Langosta	Mc Donalds	Pony Rides	The Humidor
Bagit	Hunkemöller	Lacoste	Desserts	Scala	The Mask
Cariloha	Iguana Cantina	Little Switzerland	New Balance	Sparkles	The Minimarket
R-Glass	Kapricho	Lucky Bom Bon	Objects to Surprise	Swatch	Time square
Del Sol	Kok Optica	Maggy's	Pandora	Starbucks	Tous
Häagen Dazs	Kristies Jewelry	Mario Hernandez	Totto Tu	Sky Lounge	YOLO
Happy Island	La Boutique	Maxi Pet	Tunic	Le Bistro	Wenger

Parking available in Paseo Parking Garage at Afl. 1.00 per hour
J.E. Yrausquin Blvd. 382-A (Situated across the Holiday Inn) Tel: 586-6533.
Walking distance from the High Rise hotels

E ta hefe di dpto. di trafico di Cuerpo Policial Aruba

A promote inspector Ricardo Muller



ORANJESTAD -- “No por a scoge un miho persona”, asina mr. Adolfo “Dolfi” Richardson, Alto Comisario di Polis, a duna di conoce durante e ceremonia special pa celebra promocion di Ricardo Muller. E ultimo aki a ricibi su decreto gubernamental pa su promocion como “Inspecteur Eerste Klasse”.

RESPECT

Cu casi 30 aña di experiencia den e departamento di trafico, Ricardo Muller dos aña pasa a wordo nombra coordinador general di e departamento di trafico. E ta eherce su trabao segun e slogan: “Bo no t’ey pa

sirbi bo mes, bo t’ey pa sirbi comunidad!” Y ta kere den e balor di duna respet tur dia na tur hende. Esaki tabata e estilo bieu di e hefenan di antes, kende a siña nan coleganan pa semper duna respet pa nan por ricibi respet.

EXPERIENCIA

Ricardo Muller a drenta scol pa bira polis riba dia 1 di mei 1976, cual el a termina na aña 1977. Apenas algun luna despues di a drenta Cuerpo Policial, Muller a haya su mes asigna pa traha cu e asina yama Riot Group, cual mester a percura pa siguridat den e temporada dificil na augus-

tus ora cu tabatin protestanan grandi relaciona cu problemanan politico na Aruba. Muller ta conta cu e tabatin siman nan sin bay cas, como cu nan mester a drumi na Warda di Polis y ta hopi boter, piedra y otro obheto e a haya tira riba dje.

CONSEJO

Richardo Muller ta conseha tur e hobennan den e trabao di Polis pa siña gatia prome cu nan cana, tene pasenshi, traha manera ta wordo spera di nan y principalmente pa nan sirbi comunidad, cual ta duna un gran satisfaccion.

CUERPO POLICIAL

Cuerpo Policial Aruba ta existi desde aña 1986 y ta conta awendia cu mas o menos 600 Polis trahando incansablemente pa brinda siguridat na nos pueblo. Ta trata aki di 375 hende homber, 104 hende muhe y 120 empleado administrativo, trahando den 4 distrito, cu Warda nan di Polis situa na Oranjestad, San Nicolas, Noord y Santa Cruz. Orguyosamente Cuerpo Policial Aruba ta conta cu hopi respet internacional, specialmente pa su unidadnan special manera “Motor Unit”, “K9 Unit”, “Arrestatie Team”, “Mobiele Eenheid”, “Duik Team” y “Helicopter Unit”,

sin lubida e departamentonan conoci di patruya y recherche cu ta bon entrena y capaz pa investiga y soluciona e casonan mas complica.

COOPERACION

Cuerpo Policial Aruba ta traha den cooperacion estrecho cu Cuerponan di Polis den Reino Hulandes manera Korps Politie Rotterdam Rijnmond, KLPD y RST, sin lubida otro partnernan internacional manera Interpol, DEA, FBI, RCMP, Force Protection Agency, ACCP y IACP. Pa mas informacion por subi e website www.kparuba.com. □

Agente Elaine Geerman

Ta reintegra den Cuerpo Policial di Aruba



ORANJESTAD: Diahuebs mainta Cuerpo Policial a ricibi agente Elaine Geerman bek como miembro di nan team. Den presencia di Alto

Comisario Dolfi Richardson, e agente a huramenta dilanti Ministro di Husticia y Enseñansa, mr. drs. Arthur Dowers.

Ministro a bisa di ta contento cu e direccion positivo cu Cuerpo Policial ta bayendo y e ta hopi satisfecho cu e desaroyonan tumando luga



mirando cu varios persona ta scoge pa regresa den Cuerpo Policial.

Sr. Dowers a gradici e agente pa su entrada bek den Cuerpo Policial y a añadi cu e ta spera di e agente, hunto cu nan coleganan, cu nan tambe lo yuda contribui na e parti di maneho di e cuerpo. E minister a splica cu esnan cu ta traha ariba caya y cu ta den contacto cu comunidad continuamente ta esnan

cu ta tende e dolornan y ta sinti e señalnan di e necesidadnan di nos comunidad.

E a pidi e agentenan pa haci’e parti di nan responsabilidad pa e informacion aki yega na top di Cuerpo Policial, asina e informacion aki por wordo uza y transforma den maneho cu ta beneficia no solamente e Cuerpo Policial den su totalidad, pero principalmente e comunidad di Aruba. □



THIS SUMMERS' DAILY LOCAL DEALS!!

Sunset Cruise
*AWG 45**
Everyday except Wednesday 5:30 - 7:30pm

Sail & Snorkel
*AWG 45**
Everyday 2:30 - 5:00pm

Champagne Brunch
*AWG 70**
Wednesday, Friday & Sunday 9:30am till 2:00pm

**Bring this advertisement and local ID to receive these prices, BBO included*

Pelican Pier (located between Holiday Inn and Playa Linda Resort), Holiday Inn Towel Hut Center, Holiday Inn Concierge, Holiday Inn Lobby, Playa Linda Beachside, Westin Aruba Poolside, Westin Aruba Lower Lobby, Casa del Mar Beach Resort or visit us Online at www.pelican-aruba.com



For Reservations call:
5872302
Or
5861455 (Sundays)

Sr. Marlon Croes Director adhunto di DOW

“Plan di comunicacion cu habitantenan no a wordo trata den e manera corecto”



cuminsa traha riba dje. Nan lo indica unda e cambionan lo mester wordo tuma pa asina tur hende por sa cua caminda nan por pasa.

RICIBI RECLAMO

DOW a ricibi reclamo for di comunidad cu no ta contento cu nan no sa unda mester pasa momento cu trabounan ta andando. Segun Sr. Croes, e reclamonan di comunidad cu DOW a ricibi tin e atencion debido. Cualquier caya cu DOW kier cambia of cera, nan kier duna mas atencion y informacion na e comunidad prome cu yega asina leu di traha riba esaki.

KEDA INFORMA COMUNIDAD

Den tur e plannan cu DOW ta trahando pa drecha barrio lo bay tin cambio, segun Sr. Croes. Den e fase di preparacion e habitantenan a wordo informa prome cu e trabounan



ORANJESTAD — Den e barrio di Madiki ainda tin trabounan ta tumando luga, cual ta e embeyecemento di e cayanan. Desde aña pasa e trabounan a inicia y hopi hende ta puntra pa ki tempo e trabounan lo keda cla. Diensten Openbare Werken (DOW) no

a keda informa habitantenan y comunidad con trabounan ta andando.

E prome experiencia cu DOW ta pasando den cu e barrio di Madiki ta cu nan ta haciendo trabounan pa embeyece e area y alabes ta eliminando e traf-

ico den dos direccion pa haci esaki di un solo direccion, segun Sr. Marlon Croes DOW a haci cambio den Madiki, pa motibo cu nan kier crea espacio pa parkeer, pone mas mata den e area aki y haci e zona mas grandi.



PLAN DI COMUNICACION

E plan di comunicacion cu e comunidad specialmente e habitantenan di Madiki, no a wordo trata den e manera corecto. DOW mester siña di e experencianan cu nan a haya for di e situacion aki, unda cu nan mester mehora pa e siguiente proyectonan cu ta na caminda. Nan mester informa e habitantenan prome y despues e comunidad riba proyectonan cu DOW lo

a inicia, kico tur lo bay sosode, e ta sigui bisa. Durante e trabounan cu ta wordo tuma, DOW mester keda informa e habitantenan kico tur ta tumando luga y sin laga afo e comunidad cu tambe mester sa kico ta pasando. Den e comunicacion entre DOW, habitantenan y comunidad tin un fayto cu nan mester tene cuenta cun'e y mehora esaki. Segun Sr. Croes, pa e aña aki nan lo ta mehorando e parti aki. □

ATIA y KvK

Temanan pa debate politico ta conoci

ORANJESTAD – Manera BON DIA ARUBA a anuncia anteriormente, ATIA, conhuntamente cu Camara di Comercio a logra di pone lidernan di partidonan politico cu tin representacion den parlamento actual hunto, dia 22 di Augustus, pa asina forma un debate exactamente riba e temanan crucial pa nos isla cu ta regarda finanza, nos economia, AOV, AZV, loke ta di interes pa nos empresarionan, pero tambe pa publico en general. E debate aki lo tuma luga den

e ballroom di Westin Hotel, pa 7'or di anochi.

TEMANAN

E ekipo di ambos organizacion cu conhuntamente ta preparando e debate a yega na un acuerdo tocante e temanan cu lo wordo trata, y a comunica esaki caba na e lidernan di partido cu ta bay participa.

Ta trata di e siguiente temanan:

Economia en general
Seguro Social (AOV)
Seguro Medico (AZV)

Finanza Publico

Cada tema lo wordo introduci cu un presentacion cortico riba pantaya (PowerPoint), den cual e informacion mas relevante di e tema lo wordo presenta.

RAPPORT IMF

Den esaki lo aparece tambe informacion die rapport reciente di IMF (International Monetary Fund). Despues ta sigui algun pregunta, riba cual cada lider politico ta haya e oportunidad di expresa nan

vision, y unda a pidi nan pa concentra riba loke nan tin pensa di haci den e proximo periodo di gobernacion 2013 - 2018.

E temanan eligi no ta di interes solamente pa empresario, pero ta toca interes tambe di tur trahado y pais Aruba en general.

MORADOR

Tambe ATIA y KvK ta desea di participa cu a logra haya como moderador pa e debate aki e conocido periodista Ruben Trapenberg.

Sr. Trapenberg actualmente ta emplea na Telearuba y den pasado a proba di por maneha un evento di e caracter y magnitud aki. ATIA y KvK tin e pleno confianza cu sr. Trapenberg lo bay haci un excelente trabao.

TICKETS

Entrada pa e evento aki ta Awg 75,00 (For di cual un parti ta bay na un meta caritativo) ta obtenibel na ATIA, Tel. 582-7593 y na KVK Tel. 582-1120 ext. 29/41 of e-mail: secretariat@arubachamber.com. □



Usuarionan di trafico no ta respeta ley di trafico

Shofer ta para y bay laga auto riba area cu ta destina pa tram core

ORANJESTAD – Na comienso di aña Aruba a conoce introduccion di un tram riba nos isla.

Aunke, algo nobo pa nos ciudadanonan mes, como tambe un vehiculo nobo cu ta forma parti di nos trafico, awe, memey di aña practicamente tur hende sa cu nos tin un tram cu ta circula den centro di ciudad.


CONTRATIEMPO

Ya for di comienso, unda Arubus hunto cu Departamento di Transporte (DTP) y Cuerpo Policial tabata den nan fase di entrenamiento, e director di Arubus, Sr. Teo Croes a duna di conoce cu durante cu esaki tabata tumando luga, nan a bin topa cu cierto contratiempo. Locual cu a stroba e entrenamiento primordialmente ta e hecho cu shofer ta parkeer auto ariba e via di e tram. Sinembargo BON DIA ARUBA por a tuma nota ayera merdia cu e mesun fenomeno aki ainda ta tumando luga. Shofer ta bay y laga auto staciona riba area cu ta destina pa e tram core.

Riba e potret saca pa nos ekipo di redaccion, por tuma nota di varios shofer cu a para nan auto den Havenstraat riba e via di tram y bay laga nan auto para riba e area aki cu ta destina pa e tram core.

APELACION

Asina tambe ta haci un apelacion na e ciudadanonan aki pa por fabor tene cuenta cu esaki



ya cu esaki ta tranca henter e operacion y programa di e tram.

Consecuentemente, e conductor di e tram mester para e tram y warda te ora cu auto di

takel yega y e auto aki wordo hala. Y pa pasa den henter e proceso aki na momento cu turistanan wordo transporta cu e tram, ta un experiencia masha desagradabel. □



Office Systems Aruba

Voor de verkoop van kantoormeubels zoeken wij op korte termijn een dynamische

"Sales-medewerker"

Functie eisen:

- Representatief
- In het bezit van een rijbewijs
- MBO/HBO of gelijkwaardig
- Technisch inzicht

Sollicitaties:

- Via email: mgrant@officesystemsaruba.com
- Persoonlijk tijdens kantooruren van maandag t/m vrijdag tussen 8.00 a.m. en 5.00 p.m.



Mas cu 50 mil dollar y 45 mil florin a wordo horta for di un caha fuerte

Empleado di negoshi a presenta den Corte y a bisa cu el a mira un grupo di Latino ta horta den Grand East Hardware Store



ORANJESTAD – Un grupo di seis Venezolano a bin Aruba pa algun dia den luna di Februari 2013 y nan a horta durante dia na 10 diferente lugá. Un di e luganan tabata Grand East Hardware caminda ta papia di 50 mil dollar y 45 mil florin mas dos cheque y diferente herment.

E sospechosonan Antonio Perez Lopez, Angel Duarte, Juan Useche Linares, Juan Mirabal, Daniel Albornoz y Jose Rojas Hoyos ayera mainta a presenta den Corte y Fiscal a bin bon prepara cu un serie di videonan di seguridad cu a graba na un cantidad di lugá cu nan a horta. Fiscal a laga instala ekipo special y den sala di Corte tabata parece un cinema caminda claramente por a mira e grupo aki den accion.

TESTIGO

Ayera ariba peticion di abogado mr. Duijneveld, un empleado di Grand East Hardware a presenta como testigo. E persona aki a wordo interroga recientemente pa Recherche, kende a reconoce e grupo y awor abogado kier a haci'e un serie di pregunta. Doño di Grand East Hardware a presenta demanda di daño di 58 mil dollar y 48 mil florin di cu el a sufri. E suma considerabel aki y tambe dos cheque a wordo horta den dia cla for di e caha fuerte.

Hues a mustra cu un empleado di e negoshi a bisa cu prome un homber a drenta y despues otro 5 a drenta y na dado momento un di e homber nan a sali cu un cantidad di herment bou di su flanel. Un hende a rek na su flanel y un schroef-

draaier a cay y nan a drenta un Toyota Yaris y core bay. Despues a resulta cu 60 mil dollar, 18 mil dollar, 60 mil florin y tambe dos cheque a disparce for di e caha fuerte.



Un total di dos Yaris a core bay y den esakinan a haya schroefdraaiernan y parti di e placa. Mas o menos 19 mil dollar a wordo haya y mas o menos 11 mil florin. E empleado di e negoshi a reconoce algun di e ladronnan.

A manda yama e persona P. como testigo y e mester a huramenta. Abogado mr. Duijneveld a puntra P. si ta siman pasa el a mira e potretnan di e sospechosonan. E kier sa pakico a tarda asina hopi. E testigo a bisa e abogado cu ta siman pasa e Recherche a acerca su persona. Abogado a remarca cu P. ta traha tur dia na e lugá y Recherche por a bay mas tempran cerca dje.

E abogado a pidi P. pa splica con e por supuestamente conoce hende riba un potret despues di 6 luna. Hues a corigí abogado cu su pregunta. E ora ey abogado a corigí e pregunta y puntra P. con por ta cu tur dia e ta mira hopi hende

y con e por diferencia esaki di e sospechosonan. E testigo a bisa e abogado cu ta un bes so el a mira e hendenan aki y no a lubida nan. El a splica cu e hendenan cu e ta mira tur dia den negoshi, sa bishita e negoshi mas biaha. Abogado a puntra si ta e potretnan so el a mira of cu mas potret. El a bisa cu tabatin mas potret. E ora ey e abogado a puntra si el a mira e potretnan mas prome. Segun e testigo, el a mira e potretnan di e sospechosonan mas prome riba 24 ora. Por a nota cu abogado a pone un smile riba su cara y a bisa Hues cu e no tin mas pregunta pa e testigo y cu den su defensa e lo bay mas detaya riba e punto aki. Despues di esaki e testigo por a bay. Tratamiento di e caso a keda posponi pasobra a tarda demasiado y Hues tabatin otro compromiso pa atende. A keda palabra cu otro siman lo bay sigui cu e caso. □



Apesar cu mayoria di e grupo ta desmenti

Fiscal a pasa video den Corte caminda ta mira con grupo Venezolano a horta den negoshi

ORANJESTAD – Ayera mainta un parti di e caso penal contra un grupo Venezolano a wordo trata. Tratamento di e caso tabata hopi largo pero hopi interesante pasobra cada des tabata pasa video di siguridad cu a graba con e grupo aki a horta na diferente luga. E sospechosonan Venezolano: Antonio Perez Lopez, Angel Duarte, Juan Useche Linares, Juan Mirabal, Daniel Alborno y Jose Rojas Hoyos a presenta den Corte cu man y pianan na boei. Esaki ta indicacion bon cla cu nan ta wordo considera como personanan peligroso pa huy. For di e citacion por a compronde cu nan a horta un total di 10 luga, caminda mayoria ta supermercado Chines y e ladroncia tabata tuma luga den dia cla. Drenta oficina y bay cu 50 mil florin

Un di e luganan cu a bira victima di e grupo aki tabata Island Asia. Esaki a sosode dia 7 Februari 2013 caminda via e camara di siguridad a mira tur cos. Fiscal a presenta den Corte cu un team di miembronan di Recherche y exper-tonan riba computer pa pasa



tur e videonan di siguridad cu nan a haya caminda claramente por a mira con e grupo aki tabata actua. Hues a menciona cu for di

e rapport di Recherche por compronde cu un empleado di Island Asia a bisa cu un grupo di Latino a dreña den e negoshi den dia cla y un di nan

a logra dreña den oficina y a bay cu 5 mil florin. Ta asina cu e sospechoso Ambones ta esun cu a admiti di a horta y riba tur e videonan por a mira claramente con e tabata horta manera nada a pasa. E resto di e grupo tabata desmenti di tabata na altura di ladroncia. Camara a graba sospechosonan den accion

Fiscal asisti pa un persona di Recherche, a pasa e video di siguridad caminda por a mira con e grupo tabata manera para rond di e cahera pa purba despista e cahera pa asina Alborno por dreña den e oficina.

Por a mira claramente con e sospechoso Duarte tabata wanta un cartolina di tal manera dilanti e cahera, cu ta tapa e bista pa e porta di oficina y asina Alborno a dreña. Despues a mira Alborno sali for di e oficina cu algo den man y a sali bay pafo.

Hues a puntra e sospechosonan kico nan tur tabata haci den e negoshi hunto. Segun Perez Lopez e tabata den e negoshi pero ta desmenti di a horta. Hues a puntra pakico nan tur tabata hunto den e luga.

El a splica cu nan tabata mira mercancía. Duarte a admiti di a yuda den e ladroncia. El a bisa cu el a wanta un cartolina na halto pa evita cu e cahera por mira Alborno dreña e oficina y coy placa. Linares

a admiti di tabata den e luga pero ta desmenti di tabata sa di e ladroncia. El a bisa cu el a mira Alborno dreña den e oficina.

Mirabal tambe a desmenti di tabata sa kico Alborno tabata horta. El a bisa cu el a bay den negoshi pa mira mercancía pa cumpra. Alborno a admiti di a horta pero riba e remarca di Hues cu ta parce cu nan a bin Aruba specialmente pa horta, el a desmenti esaki. El a bisa cu el a haci'e door di necesidad ya cu su mama tabata muriendo. El a bisa cu el a pidi Duarte y Hoyos pa yud'e pa horta. Hoyos a desmenti categoricamente di a yuda Alborno horta. El a bisa cu e no a ripara mes cu Alborno tabata horta. El a bisa cu el a hala atencion di Alborno cu e lo por hinca nan den problema. El a bisa cu el a Sali for di e negoshi, coy bus y a bay hotel Victoria, unda nan tabata keda.

Ta asina cu a base di e grabacion, a logra detene e grupo aki y a logra confisca gran parti di e placa cu nan a horta for di diferente luga.

Tratamento di e caso a dura asina largo cu na dado momento Hues a bisa cu e tin otro compromiso cu e mester cumpli cun'e y a keda dicidi cu tratamento ta sigui otro siman caminda Fiscal lo bay presenta su exigencia y abogado lo presenta su defensa. □



Are you looking for a new job challenge?

General Air Services is now accepting applications for **Part-Time Passenger Handler Agent**. His/her function is to give service to all passenger embarking and des-embarking Aruba including ticket sales. This mean you will be working in a team representing one of our well-known international airlines.

Job Requirements

- A minimum of Mavo Degree preferably attending "Avond Havo"
- Should be at least **19 years old**.
- Able to work during **week days** / **weekends** and **holidays** schedule **11:00-17:00**
- Should be responsible, self-determent, representable, and **Dynamic**
- **Customer Service Oriented**
- Fluent in speaking **English, Dutch, Spanish and Papiamentu**.

We Offer:

- A friendly working team and atmosphere
- Possibility to grow in airline business with airliners benefits.
- Employee benefits according to the labor law.

What do you have to do if you are interested?

Come by our Human Resources office located at Queen Beatrix Airport in the Non USA departures building between 9:00 am to 12:00 pm and 2:00 pm to 4:00 pm to pick an application form before Tuesday August 20, 2013.

Parlamentario Gilmar Pisas (MFK) :

Minister Navarro mester papia menos y produci mas

WILLEMSTAD – Minister Navarro, mester papia menos y produci mas, pa tanto den comunidad como tambe den nos prizon por reina un poco trankilidad.

Asina Gilmar Pisas, miembro di Parlamento Fraccion MFK ta señala. Pisas ta referi na e hecho cu algun tempo pasa e Minister di Husticia, a haci e expresion pa "atracadonan" "Fasten your seatbelt". Atrache

ta bisa polisnan pa tira dirigi, mientras cu minister Navarro sa bon, cu polisnan no tin material adecua pa enfrenta e ola di criminalidad creciente.

Pisas: "Cada dia cu e Minister a habri su boca, su expresionnan a crea mas panico y inseguridad den nos comunidad. E parlamentario di MFK ta sigui bisa cu ultimamente durante un retarda den prizon, personal di prizon a confisca

dos arma di candela.

Accion di e trahadonan cu ta di aplaudi, paso e arma por a forma un peliger pa tanto e wardado di preso y e prizoneronan mes. Den prizon tur hende mester por sinti nan mes safe tur momento. Semper m'a boga pa traha un prizon nobo, paso e prizon na Kura Specht, debi na su estructura bieu, den un bachi remodela, lo keda funciona cu mesun defectonan di semper. Esaki ta trece peliger pa tanto bishitante, wardado di preso y e prizonero mes.

Kedando riba e topico, ta remarcabel cu na momento cu a acerca Minister di Husticia tocante e hallazgo di e arma di candela den prizon, minister Navarro mesora a sali den medianan di comunicacion y muestra dede den direccion di

e wardadonan di preso.

Minister Navarro a bisa cu ya caba el a yega di bisa cu ta wardadonan di preso ta hinca droga y arma den prizon y cu e biaha aki ta nan a bolbe hinca arma den prizon. Segun minister Navarro, esaki debi cu e area caminda a haya arma ta area cu supuestamente ta wardadonan di preso so ta bay.

Minister Navarro no por muestra dede of miho bisa den e caso aki acusa e wardadonan di preso, sin cu e investigacion a termina. Tur hende ta inocente te ora hues impone un castigo riba e persona. Ami no t'ey pa defende niun hende. Si a comete un acto robes, ta e hende mes mester sinta riba su blaarnan, pero ta sumamente inhusto sali muestra dede y acusa un hende, sin cu a pasa den un proceso di

investigacion.

Segun Pisas, pa es nan cu no sa bay nos instituto coreccion, pa drenta eyden, na porta ta un control riguroso ta tuma luga. Ta masha dificil pa pasa cu algo ilegal bay paden. Si resulta cu tin cosnan ilegal a tuma luga, mester amplia e investigacion pa termina cu ilegalidad den prizon "for once and for all". Ademas mester tene cuenta cu no ta wardado di preso so ta drenta e instituto, tin diferente vehiculonan y of personanan cu ta bay paden, por ehempel traha riba defectonan den prizon. Anto pa es nan cu no sa, prizoneronan ta bishita den diferente area den prizon sea pa bay por ehempel les di computer, cushina, gym, etc., Gilmar Pisas ta remarca.

FUTURO REFINERIA

Parlamentario Gerrit Schotte: Por atende futuro di Refineria Isla den disertacion di 10 minuut



WILLEMSTAD - Ta posibel atende un asunto asina importante manera futuro di Refineria Isla den un intervencion di apenas 10 minuut Loke partidonan di coalicion ta haciendo ta contra nan mes ponencia den pasado recien, cu mester bin un discusion amplio riba e asunto aki, di acuerdo cu lider di fraccion di MFK Gerrit Schotte.

Fraccion di MFK, dia 1 di juli ultimo a pidi e reunion pa discuti e pregunta cu tin hopi hende preocupa, esta si e refineria na Corsou lo keda existi, despues di aña 2019, ora e contract cu PDVSA inspira. E pregunta fundamental den esaki ta si e ta keda opera bou di e mesun circunstancianan cu esey ta sosode awor aki. Esencia di tur cos ta e polucion cu e instalacion ta ocasionando. Pa cumpli cu reglanan di medio ambiente ta rekeri un inversion miyano.

Loke tin riba mesa awor aki ta e rapport traha pa e compania Ecorys, rondo di cua tambe tabatin basta discusion, despues cu a constata cu e rapport a sali riba Internet. Otro siman, parlamento lo bin hunto pa discuti futuro di e empresa.

Ta conoci cu cada fraccion ta pensa diferente riba kico mester sosode.

Pa fraccion di partido MAN, no tin discusion: e refineria mester keda existi, mirando entre otro su importancia pa economia di Corsou. Alex Rosaria di partido PAIS ta haya cu no mester core tuma un decision acelera riba e asunto aki. E ta na fabor pa binun discusion amplio.

Tur rapport cu a traha riba e empresa mester subi mes, Rosaria a bisa.

Pa fraccion di MFK, no ta asina ta core tuma un decision. E asunto aki ta masha importante pa futuro di pais, el a accentua. P'esei mes Gerrit Schotte, lider di fraccion di MFK ta considera cu e 10 minuut cu partidonan di coalicion a palabra cu cada parlamentario lo papia, no ta suficiente. Cu asombro nos a tuma nota cu ta solamente 10 minuut cada hende tin, siendo cu nos por a tende partidonan den coalicion bisa na varios ocasion cu e asunto aki t'asina importante cu e merece un discusion amplio. Awor ta cera cabes y ta palabra cu ta 10 minuut. Tin hopi cos pa atende, Schotte a bisa finalmente. □



Amsterdam a yama bon bini na studiantenan di Aruba

Den Haag\Amsterdam - Den stadhuis di Amsterdam a tuma luga ayera merdia un recepcion pa e studiantenan di Curaçao, St. Maarten, Bonaire y Aruba. Den e sala di reunion di e municipio di Amsterdam legislado André Van Es a yama tur e studiantenan bon bini. E recepcion a conta cu presencia di Minister

Plenipotenciario di Aruba sr. Edwin Abath, hefe di departamento di Enseñansa di Cas di Aruba sr. Sammy Dumfries y e mentornan pa Amsterdam sra. Lourdes Bramble-Tromp y sra. Edy Ranada. Den su discurso na e studiantenan sra. Van Es a muestra ariba e caracter unico di e ciudad di Amsterdam cu ta conta

cu mas di 177 nacionalidad y asina Amsterdam conoce un diversidad enorme. 'Akinan bo por ta bo mes. No ta importa ken bo ta of con bo ta pensa.

Esaki ta e caracter unico di Amsterdam.' asina Van Es a bisa. Sra. Van Es tabata tin hopi comprension pa e decision dificil pa cochi pa bin studia na Hulanda; asina leu for di cas, otro idioma y custumbernan. Sinembargo e legislado a curasha e studiantenan pa keda enfoca ariba e meta pakico nan a bin Hulanda. 'Lesacorant y mira noticia di Hulanda, cera amistad cu Hulan-desnan Europeo pa stimula bo dominio di Hulan-des. Purba di busca actividadnan of trabao banda di bo estudio pa asina haya mas experiencia. Tur esakinan por yuda cu bo por termina bo estudio cu exito,' asina sra. Van Es a bisa. Finalmente legislado Van Es a desea tur e studiantenan exito den nan estudio y e tempora-

da cu nan ta un ciudadano di Amsterdam. Despues e programa a sigui unda Tanja Fraai a entrevista diferente studiantenan ariba nan prome experiencia cu Hulanda y en special cu Amsterdam; ariba nan estudio y nan expectativa den esaki. Tambe Tanja a entrevista algun studiantenan cu a bin aña pasa pa nan por a conta nan experiencia cu por sirbi como ehempel pa e grupo di studiantenan nobo. E programa a termina cu un quiz tocante Amsterdam pa asina test e conocimiento di Amsterdam bou di e studiantenan. Esaki ta di tres aña cu municipio di Amsterdam ta organisa e recepcion aki pa e grupo nobo di studiantenan di Curaçao, St. Maarten, Bonaire y Aruba. □



Parlamento ta reuni cu DAE awe diabierna

WILLEMSTAD - E reunion pa atende e problemanan rond di e compania DAE cu awor aki ta un menasa pa su existencia ta tuma luga awe diabierna 16 di augustus. Di e forma aki presidente di parlamento Mike Franco a cumpli cu peticion di partidonan di oposicion MFK, PAR i MAN cu a haci un apelacion urgente riba Mike Franco pa adelanta e reunion. Lider di fraccion di partido PAR Zita Jesus-Leito a dirigi un carta e siman aki, den cua e ta urgi presidente di parlamento pa pone un reunion e siman aki mes pa papia riba e situacion di DAE. E situacion di DAE ta asina critico, cu nos simplemente no por warda te otro siman, Jesus-Leito a argumenta. Mesun cos fraccion di MAN y fraccion di MFK a expresa e deseo di reuni mas lihe posibel riba e situacion di e compania di aviacion.

Manera ta ampliamente conoci, parlamento a tene un reunion publico den luna di juli pa discuti situacion di DAE cu ta pasando den momentonan hopi dificil. Basicamente por bisa cu trabou di 350 trahado ta na peliger, si no bin un solucion hopi urgente. Minister di Aviacion Earl Balborda a pidi 7 siman pa e prepara e avalancha di pregunta cu parlamento a haci pero e 7 siman a finalisa den e periodo cu parlamento tabatin reces. Presidente Mike Franco a pone e reunion awor pa otro siman, pa Balborda kontestá. E fraccionnan ta haya sinembargo cu no por warda te otro siman, mirando e situacion ta critico cu e compania di aviacion ta actualmente. E fraccionnan ke pone e reunion den transcurso di e siman aki. Franco a anuncia cu e no tin problema pa pone e reunion mas prome cu dialu-



na awor, manera e tabata programa pa tuma luga. El a bisa cu e no ta sinti cu parlamento no kier a atende e problema di

DAE. Mike Franco a bisa cu ta un hecho cu e compania y su trahadonan a opta pa bay gobierno. El a anuncia awor

cu e reunion lo tuma luga e siman aki mes, cu ta mañan diabierna pa 9or di mainta parlamento lo sinta cu DAE. □

**WIN TICKETS TO
CURACAO NORTH
SEA JAZZ**

Manda e palabra JAZZ na 2000 y participa pa GANA pasashi, estadía y entrada pa 2 persona pa e último anochi di Curacao North Sea Jazz!

Be Extraordinary



**SMS
Y
GANA**



DIGICELARUBA.COM



SMS e palabra JAZZ na 2000 y tin chens pa GANA. E campaña ta valido te cu 21 di Augustus y ta costa Afl.0.20 pa cada SMS. Tin condicionnan aplicabel. Ganador lo wordo anuncia dia 23 di Augustus 2013. Ticketnan di Curacao North Sea Jazz Festival ta valido pa Diasabra 31 di Augustus pa 2 persona. Participantenan mester ta ariba 18 aña.

Comision di gobierno: Plan di Sehos ta solido y factibel

Man na obra awor

WILLEMSTAD – E conclusion di e comision di gobierno cu e plan di Sehos pa traha hospital nobo riba su tereno ta solido y factibel y ta cuadra cu maneho di cuidu di gobierno y cu Sehos por traha esaki riba un manera responsabel y sin molester, mester ta un alivio pa henter Corsou.


Corsou tin tras di lomba dos aventura di gobiernonan anterior na Noorduyweg y Amstel.

Tur dos a fracasa. Nos ta spera cu e gobierno aki ta mas serio y, sin hinca nos den otro aventura, ta dicidi pa e proyecto di Sehos, teniendo na cuenta conclusion di su propio comision.

Lo bira un berdadero alivio pa pueblo.

Na un ocasion asina, ta bon pa para keto na e cooperacion di cuidu cu a bin ta tuma luga entre gobierno y Sehos den transcurso di 150 aña. Gobierno ta stipula y para responsabel pa e nivel di cuidu, y Sehos ta percura pa e edificio y servicio di cuidu hospitalario. Laga nos spera cu e gobierno cu a sinta awor ta tuma e rapport di su comision na pecho y asina continua e cooperacion aki.

Pasobra asina so pueblo di Corsou por cuminsa disfruta di cuidu medico hospitalario for di den di dos aña di construccion. Cada aña mas servicio lo bira disponibel segun departamentonan keda cla y ta muda di parti bieu pa edificio nobo. y tur esaki na e miho sitio, scoge pa experto-



nan di gobierno pa su ubicacion y facilmente accesibel, cu a demostra su seguridad den curso di añanan.

Siendo un proyecto grandi y complica, ta logico cu gobierno na final di cuenta ta responsabel pa salubridad publico. Nos ta sigui monitor e aspecto di Sehos su master plan, pa segura cu e proyecto lo bira un exito.

Despues di verifica un ke otro aspecto di finanza, seguro y maneho di construccion, loke ta masha normal pa un

proyecto di e tamaño aki, Corsou por ta sigur di su hospital nobo, adapta na exigencianan moderno y necesidatnan medico di nos poblacion, diseña y construi y maneha dor di nos mes expertonan, teniendo cuenta cu opinion y necesidad di es nan cu ta traha eyden.

Esey ta ademas cu a tuma tur percusion pa minimalisa molester pa pashent, empleado y bisindario, uzando tecniconan moderno di tanto otro proyecto similar den otro pais.

y Sehos ta na caminda pa cera

contracto di financiamiento, pa 4 luna despues trabou di construccion lo cuminsa. Esaki lo ta bon noticia pa nos economia tambe, cu mester di un estimulo fuerte asina ki cu mas cu 200 cupo di trabou.

Porfin Corsou tin e seguridad cu dentro di poco lo cuminsa cu construccion di nos hospital nobo, danki na esfuerso realista di e gobierno aki y e perseverancia di Sehos y su team di experto. □



Gobierno y SEPPA

A firma acuerdo pa un miho salario pa empleadonan publico di mantencion

ORANJESTAD --

Den edificio di SIMAR Prome Minister Eman y Magaly Brito di SEPPA (Sindicato Empleadonan Publico y Priva Arubano) a firma e protocol cu ta duna empleadonan publico cu ta encarga cu trabounan di mantencion (werkster) un miho posicion y siguridad di trabou. Esaki a sosode den presencia di un cantidad grandi di empleadonan publico concerni.



gobierno y tambe den institucionan cu ta wordo subsidia pa gobierno.

RANGENSTELSEL

Despues di hopi combersacion cu sindicato y tambe despues di a wak cifranan y contacto cu e personal envolvi, gobierno tabata convenci cu algo mester a wordo haci. Esaki a bin den forma di un 'rangenstelsel' nobo. Eman a duna un splicacion riba e cambio y tambe a haci un diferencia entre trabou menos pisa y trabou pisa. Pa e trabou menos pisa e salario tabata Afl. 1895,00 y pa e trabou pisa Afl. 2135,00. E suma aki no tabata cambia conforme e añanan di trabou. E protocol firma ta encera un areglo nobo den e sistema di salario. Gobierno ta trahando duro pa

esaki drenta na vigor e luna aki caba. "Si tur papeleo keda cla pa fin di e luna aki boso por mira un diferencia den salario".

EHEMPEL

Dunando un ehempel di e cambio Prome Minister a bisa cu si un hende tin tres aña trahando como werkster su salario ta subi cu 220 florin. Enbes di gana y keda para riba e salario di Afl. 1895 e ta bay gana Afl. 2115. Cu shete aña di servicio e ta bay gana Afl. 2225,00 cu ta un aumento substancial di Afl. 330. Cu dies aña di servicio e ta bay dilanti di Afl. 1895 pa Afl. 2280 cu ta un adelanto di 385 florin mensual. Esnan cu tin 13 aña of mas den servicio ta haya un salario di Afl. 2390,00 cu ta un aumento di 495 florin. Segun



Eman, "E crecimiento ta grandi, pero realidad ta tambe cu ainda e sumanan aki ta dificil pa den e temponan cu nos ta bibando aden. Nos ta consciente di esey tambe, pero nos ta hopi orguyoso di por a haci e cambio aki".

TRABOUNAN PISA

Despues Eman a bay over na duna splicacion cu ehempelnan con e salario di esnan cu ta haci trabounan pisa di mantencion ta bay bira. Pa esnan cu tin tres aña di servicio e salario ta aworaki Afl. 2135 y esaki ta bira Afl. 2270 cu ta un adelanto di 135 florin. Shete aña di servicio ta bira Afl. 2345, 210 florin extra, cu dies aña di servicio e suma ta cambia di Afl. 2135 pa Afl. 2420, un progreso di 285 florin y pa 13 aña di ser-

vicio of mas e ta bay dilanti cu 435 florin yegando e suma di Afl. 2570. Despues di e bon noticia aki cu a laga masha hopi hende contento Eman a bisa cu su gobierno no ta kere cu empleadonan mester bay 7 siman riba caya pa un ahuste di salario. "Ta p'esey cu nos a cuminsa mes ora cu nos a sinta cu negociacionnan di sindicato nan di empleadonan publico. Asina a yega na introduccion di indexering di 105 florin, pa di dos aña un indexering di Afl. 140 y di tres aña di 85 florin. Nos a subi e toeslagen di voor- y najaarspremie. A haci esaki pa hisa poder di compra y tambe pasobra tabata e palabracion haci cu sindicatonan".

Eman a felicita e empleadonan cu nan progreso cu tin apoyo total di tur minister. Na final el a gradici funcionaronan ehecutivo Piet Pronk y Omar Harms cu a yuda hopi riba e acuerdo aki. Pa Magaly Brito di sindicato SEPPA y miembronan di directiva Eman tabatin palabranan di danki y elogio pa e forma con nan a bataya duro pa nan miembronan. □

Fundacion pro Persona cu Dislexia di bishita cerca

Minister Dowers y Minister Hooyboer-Winklaar

ORANJESTAD -- Recientemente Fundacion pro Persona cu Dislexia a haci un bishita cerca Minister Dowers y Minister Hooyboer-Winklaar. Den un ambiente hopi ameno Fundacion pro Persona cu Dislexia a introduci su mes y na mes momento a haci uzo di e oportunidad pa duna un splicacion tocante e trastorno aki, cu ta un problema di lesamento.

E meta di Fundacion pro Persona cu Dislexia ta pa duna sosten specialmente na e mayornan cu ta confronta problema cu desaroyo di lesamento, skirbimento y rekmento cerca nan yiunan, pero tambe pa colabora cu scol y cu e maestronan.

Asina, hunto por traha pa yuda e alumno progresa na scol y termina su estudio cu



exito. Na e reunion aki tabata presente Sra. Eveline Arends, Sra. Vanessa Tromp y nos experto riba tereno di Dislexia, Sra. Arlene Oehlers.

Ambos minister tabata hopi interesa den e problematica aki y a sigura e Fundacion cu lo sigui mas combersacion al respecto. Fundacion pro Persona cu Dislexia ta gradici Minister A. Dowers y Minister M. Hooyboer-Winklaar pa nan tempo, mirando nan agenda cu ta hopi yen.

Denter di poco Fundacion pro Persona cu Dislexia lo acerca otro actornan clave den enseñansa pa intercambia cu nan tocante e posibilidad pa mehora enseñansa di lesamento, skirbimento y rekmento pa mucha cu ta sufrir di dislexia y/of discalculia. □

Departamento di Impuesto

Diasabra awor lo cuminsa duna ayudo pa yena e formulario di inkomstenbelasting 2012



ORANJESTAD — Manera custumber, Departamento di Impuesto ta organisa un campaña pa brinda asistencia na e clientenan cu tin mester ayudo pa cu yenamento di e formulario di declaracion (aangiftebiljet) di inkomstenbelasting 2012. E campaña aki lo cuminsa diasabra awor, dia 17 di augustus, y lo continua te cu dia 31 di augustus. Manera custumber den e prome siman parti mainta, lo duna atencion special na e pensionadonan. Pa ricibi ayudo no tin mester di haci un cita.

KENDENAN POR PARTICIPA

Departamento di Impuesto ta invita e pensionadonan y e personanan cu tin un entrada bruto di menos cu Afl. 75.000,- pa aña. Si ta trata di pareha casa, e entrada bruto mester ta menos cu Afl. 150.000,-. E campaña no ta pa persona cu tin negoshi of cu ta traha riba su mes por ehempel: doño di taxi/tourbus, compania di construccion, restaurant/snacktruck, oficina di administracion, pelukero etc. E grupo aki tin hopi mas rekisito administrativo y fiscal pa cumpli cun'e y ta miho pa un consehero yuda e personanan aki si acaso nan mes no por yena e formulario.

NA UNDA LO DUNA AYUDO

Aki ta sigui un skema cu e detayenan unda lo duna ayudo.

Fecha Sitio Orario

17 – 24 augustus 2013 Oficina principal na Camacuri YMCA San Nicolas

8:00 am – 4:00 pm nonstop

26 – 31 augustus 2013 Oficina principal na Camacuri Don Bosco Noord

8:00 am – 4:00 pm nonstop

TRECE DOCUMENTO

Departamento di Impuesto ta pidi su clientenan pa trece e formulario di declaracion hunto cu tur documento necesario relaciona cu entrada y gasto, tanto na Aruba como den exterior, manera:

- ☐ resumen di salario;
- ☐ resumen di entrada di huur di cas of apartamento;
- ☐ resumen di pension di biehes;
- ☐ resumen di pago periodico na huerfano;
- ☐ carta di interes di banco y/of otro instancia;
- ☐ comprobante di prima di seguro di bida;
- ☐ comprobante di pago di alimentacion na ex-casa;
- ☐ comprobante di inscripcion di scol di yiu cu ta den exterior haciendo un estudio cu no ta posibel na Aruba;
- ☐ recibonan di gasto di scol paga manera contribucion di scol, material di estudio y/of gasto di pasashi, pa yiu cu ta den exterior haciendo un

zie aangifte	omschrijving	Meestverdiener	Minstverdiener
vraag 16g	Onzuiver inkomen (optellen de bedragen van 16g)		
vraag 16a	Arbeid minstverdiener	-	+
vraag 16b	Onderneming minstverdiener	-	+
	SALDO	=	=
vraag 24a	Aftrek persoonlijke lasten	-	
vraag 26a	Aftrek buitengewone lasten	-	
	SALDO	=	=
vraag 27a	Zuiver inkomen minderjarige kinderen	+	
	Zuiver inkomen	=	=
vraag 25b	Totaal kinder aftrek	-	
	SALDO	=	=
	Ouderen aftrek (maximaal 2.443,-)*	-	
	Belastbaar inkomen (vóór verrekening van verliezen)	=	=
	Te verrekenen verliezen **	-	-
	Belastbaar inkomen	=	=

estudio cu no ta posibel na Aruba;

Ta importante pa inclui tur comprobante necesario den e declaracion. Tambe ta recomenda pa e cliente mes yena e seccionnan cu ta trata su

informacion personal y di su famia. Ta trata aki di e seccionnan 3, 4, 5 y 25.

Si ta trata di un pareha casa, mester tin tambe e 'persoonnummer' di e señora.

Dia 31 di augustus ta ul-

timo dia cu por ricibi ayudo. Despues di e fecha aki no lo brinda ayudo mas pa yena e formulario. E ultimo dia pa entrega e formulario di declaracion ta 2 di september 2013. □





KOORYMAN

DEAL OF THE WEEKEND!

HOUSEHOLD LADDER 2 STEP

- Grip extra halto
- Step lock automatico y hancho
- Max 150 kg
- Obtenible den blou, berde y oraño

MEGA BUY!

39.99

of 1600 Fun Miles



Valido di diabierna 16 di Augustus te/cu diadomingo 18 di Augustus 2013, tanten cu tin den stock.

Kooyman MegaStore Aruba Av. E. J. (Watty) Vos 20 • Dialuna - Diasabra: 8am - 6pm • Diadomingo 9am - 1pm • www.kooymanbv.com

Insurgentenan Islamita ta organisa sakeonan den clinica di MSF

Mogadishu, SOMALIA- Insurgentenan Islamita di e grupo Shabab a cuminsa cu sakeo di e clinicanan di e organisacion Dokternan Sin Frontera (MSF) na Somalia despues cu e ONG a anuncia su retiro for di e pais, segun informenan. Residentenan a informa cu nan a wak rebeldenan hibando remedi, computer y otro ekiponan di for di e sede di e organisa-

cion.

Diaranson MSF a anuncia cu e lo cera su operacionnan despues di varios atake contra di su personal.

Desde cu e organisacion a cuminsa opera na Somalia na 1991, 16 di su trahadonan a wordo asesina.

MSF a suspende su operacion na Somalia pa motibo di atakenan contra su personal. □



Mediconan Sin Frontera ta cancela nan operacion na Somalia pa motibo di atake contra su personal.

Explosion den un suburbio controla pa Hezbollah Varios morto despues di explosion na Beirut



Cantidad di victimanan ta sigui aumenta despues di un fuerte explosion den e parti sur di Beirut.



Beirut, LIBANON- Un explosion fuerte a tuma luga den suburbionan di e capital Libanes, Beirut. E prome informenan ta papia di varios morto y herido, pero e cifranan exacto no ta conoci. E area en cuestion ta un di e bastion di e movimiento

chiita Hezbollah.

Segun un canal di television dirigi pa Hezbollah, Al Manar TV, a bisa cu e explosion a tuma luga den e caya principal, entre e distritonan di Bir Abed y Rweiss.

Algun testigo ta bisa di a wak cortinanan di huma riba e

area unda e explosion a sosode.

E conflicto na e pais bisiña Siria a aumenta e tensionnan entre e chiitanan di Libanon cu den gran parti ta apoya e presidente Sirio Bashar al Asad y Sunitanan cu ta apoya e rebeldenan cu ta purba deroca Asad. □



Asumiendo completo responsabilidad pa su actonan

Yiu di Jesse Jackson condena na 30 luna di prizon pa malversacion di fondo di campaña

Washington, D.C., MERCA- Yiu di e militante Mericano pa derechonan civil Jesse Jackson a wordo condena na 30 luna di prizon pa a desvia casi 750 mil dollar di fondonan di su campaña pa Congreso. Jesse Jackson Jr, di 48 aña, cu entre 1995 y 2002 tabata miembro di e Camara di Representante pa partido Democraat, a uza parti di e fondonan pa gastonan personal, manera e compra di un holoshi pa mas di 430 mil dollar, y incluso cumpra obhetonan cu tabata pertenece na e idolo pop Michael Jackson.

Jesse Jackson Jr. condena na 30 luna di prizon y su señora Sandi a wordo condena na 1 aña di prizon pa complicidad.

Casa di Jackson, Sandi tambe a wordo condena na un aña di prizon pa tabata complice di e desvionan efectua pa su casa y pa a duna declaracionnan falso na e Inspector di Impuesto. Jesse Jackson Jr, kende tabata wordo afecta pa un estado maniaco depresivo, tabata wordo considera un figura importante di su partido, y el a wordo reeligi na November como e bastion democraat di e barionan sur di Chicago, aunke el a pidi un permiso special pa malesa lunanan prome cu eleccion. Den e sesion unda cu e tabata compaña pa varios miembro di su famia, entre nan su tata, a pidi despensa den Corte y a bisa di ta asumi e responsabilidad completo di su actonan. □

“Lider di oposicion Venezolano Henrique Capriles ta reta gobierno Venezolano pa detene despues di acusacion di corrupcion

Caracas, VENEZUELA- E lider di oposicion Venezolano, Henrique Capriles, di aranson a reta gobierno Venezolano di detene despues cu miembronan di e Gobierno a acusa Capriles, di ta meti den rednan di corrupcion.

“Mi a tende rumornan cu nan ta bay hiba mi cera. Mi ta warda nan, mi ta cla! Pero esey si, pueblo sa kico pa haci si nan hiba mi cera”! Asina Capriles a declara durante un acto publico den un zona popular di Miranda.

Den un debate basta agita, e miembronan di e partido oficialista, cu ta forma un mayoria den Parlamento, a acusa e dirigente opositor di pagonan irregular y di ta meti den un red

di narcotrafico, labamento di placa y prostitucion. Esaki lo ta supuestamente dirigi pa e oficina di gobernador di Miranda, Oscar Lopez.

E lider di oposicion ta keda para ariba cu gobierno ta buscando manera pa debilita oposicion, na caminda pa eleccionnan municipal di dia 8 di December y ta purba na kita e atencion di e problemanan economico grave y di e inseguridad cu ta afectando e pais.

E Vice presidente di Venezuela, Jorge Arreaza, ta na cabes di Consejo di Estado, organo di consulta, convoca di emergencia pa Maduro, heredero politico di Hugo Chavez, pa trata medidanan contra di corrupcion, incluyendo reforma nan legal. □



E dirigente opositor Venezolano, Henrique Capriles.



E presidente di Paraguay Horacio Cartes.

Asuncion, PARAGUAY- Dilanti expectativa di un pueblo, e magnate casi cien delegado internacional, y e Paraguay a asumi e presidencia di

Presidente di Paraguay ta declara guerra na pobreza

su pais bisando cu e lo traha pa libertad y democracia di su pais. Juan Alfara a keda instala como su vice presidente.

Horacio Cartes, doño di un centro empresarial, diahuebs 15 di Augustus a asumi e presidencia di Paraguay despues di a Sali ganado den e eleccionnan di dia 21 di April ultimo, caminda cu el a derota e oficialista Efraín Alegre, di e Partido Liberal.

“Mi ta asumi cu yen di honor y cu humildad e presidencia di e Republica di Paraguay cu e pueblo a encargami”, Cortez a declara na comienso di su discurso, unda el a invoca Dios, pidiendo “sabiduria, noblesa y husticia pa goberna”.

E mandatario nobo Paraguay, di e Partido Colorado, a reitera su guerra contra di pobreza den e pais Suramericano. El

a priminti un “gobierno di hechonan y no di palabra”, unda cu lo tin prosperidad pa tur.

“Mi no a drenta politica pa traha un carera ni tampoco pa bira rico riba custodia di otro. Nos no a drenta gobierno pa prolonga e fracasonan”, Cartes a destaca.

Di mes manera, e mandatario a haci un yamado na e hobennan, na e hende muhe, incluso na personanan di tercera edad pa probecha di e oportunidadnan cu tin den e pais y tur e oportunidadnan cu ta na caminda.

“Hobennan di mi pais, mi no ta pidi boso pasenshi mas. Mi ta pidi boso pa un rebeldia sano”. Asina e mandatario a reitera. E lo fungi como mandatario di e pais pa e periodo 2013-2018. □

Pentagono lo lucha contra agresionnan sexual den Ehercito Mericano

Washington, D.C., MERCA- Pentagono a anuncia diahuebs un serie di medida pa mehora e lucha contra agresion sexual den Ehercito, aunke e medida lo no bay asina leu pa kita e militar nan poder riba e procedimiento. E reforma a wordo critica pa hopi parlamentario.

Varios proyecto di reforma di husticia militar a wordo presenta den Congreso Mericano pa purba minimalisa e casonan di violacion y agresionnan sexual den Ehercito.

Di e manera aki Pentagono di e manera aki ta “reforsa e programanan” di lucha contra e tipo di abuso nan aki. “tur e medidanan aki ta duna victimanan ta concede mas derecho, proteccion y respaldo

huridico y ta permiti pa sigura nan mes cu e investigacion y huicio tuma luga na un manera profesional”, segun secretario di defensa Chuck Hagel den un comunicado. “Agresionnan sexual ta un mancha riba e honor di e homber – y muhenan cu ta sirbi nos pais na un forma honrado, como tambe un menasa pa e disciplina y e union”, Hagel a splica.

Aunke e medidanan ta “positivo”, nan no ta un “avance necesario pa resolve e problema”. Esaki segun Kirsten Gillibrand, un parlamentario democraat.

“Ta ora pa Congreso probecha e oportunidad, scucha e victimanan y crea un sistema di husticia militar independiente, obhetivo y sin prehuicio, Gillibrand a afirma. □



Den su gira “Asondeguerra tour”

Juan Luis Guerra lo actua pa prome biaha na Israel

Santo Domingo, REPUBLICA DOMINICANA- E cantante Dominicano, Juan Luis Guerra pa prome biaha lo actua na Israel dia 16 di October proximo. Esaki ta den cuadro di un etapa nobo di un gira cu lo hib’e na cinco pais Europeo, segun e mesun cantante a declara.

Su presentacion na Israel lo forma parti di su gira “AsondeGuerra Tour” unda cu e lo actua den e prestigioso Royal Albert Hall di Londres, segun Guerra den un entrevista.

Bachatas, merengue, son y baladanan di e artista Do-



minicano lo hib’e na actua na Francia, Belgica, Hulanda y Alemania. “Esaki ta un soño cu a bira realidad y pa cual mi tin expectativanan grandi. Mi ta confia cu e reaccion di Israel lo ta uno hopi bon”, Guerra a enfatisa.

E interprete a muestra su mes confia di cu e publico “lo reacciona hopi bon”. “Mi ta kere cu tin un comunidad Latino cu lo bay muestra e pueblo di Israel e forma con ta gosa di e musica y con e ta wordo baila”, e artista a señala.

Den e sentido aki, el a indica cu ora cu e grupo bay pa

otro paisnan lehamo, manera Japon, e aceptacion semper tabata hopi bon y e publico ta reacciona cu alegria.

Juan Luis Guerra lo actua den e Nokia Arena di Tel Aviv.

“AsondeGuerra Tour” ta e titulo di su mas reciente album cu cual el a logra varios premionan nacional y internacional.

E album cu el a graba en vivo y cu ta inclui un DVD a keda riba e lista di esunnan mas bendi na Merca durante seis siman, segun e revista Billboard. □

Casi 400 mil hoben ilegal a regla nan situacion durante 2012 na Merca

Washington, D.C., MERCA- Mas di 400 mil hoben bibando ilegal na Merca, mayoria di nan Mexicano, a wordo temporalmente regula den e ultimo diesdos lunanan. Esaki ta danki na un programa crea pa Presidente Obama na 2012. Na Juni 2012, faltando algun luna pa eleccion pa presidente, Barack Obama a anuncia e creacion di un decreto special pa duna legalisa inmigrantenan ilegal di menos di 31 aña y cu a yega e pais prome cu nan 16 aña. E procedura a cuminsa na au-

gustus aña pasa.

E documentonan entrega ta permiti e beneficiarionan di Sali for di scuridad y habri un cuenta na un banco, haya trabao legal y incluso saca nan rijbewijs. Esaki ta den e 45 estadonan cu ta permiti esaki. Sin embargo, e documentonan aki ta temporal: e sucesor di Barack Obama porta lo no continua cu e programa, mira como un solucion temporal en espera di un reforma integral, cu actualmente ta den debate den Congreso. For di Augustus 2012, 573.404 a wordo



presenta, di cual 430.236 a wordo acepta y unicamente 27.936 caso a wordo rechasa, segun datonan haci publica. E resto ta wordo studia ainda.

Mas di un tercera parti di e personanan regula ta Mexicano y 95% ta procedente di paisnan di America del Sur y Central. Ademas di e criterionan di edad, ta necesario pa a biba na Merca, sin interrupcion, for di Juni 2007, ta educa of di tin un diploma di scol secundario, tampoco mester a comete ningun delito y mester paga 465 dollar. □

Heredero falso di Rockefeller condena pa asesinato

California, MERCA- Un homber Aleman, cu a hiba un bida di rikesa pero falso na Merca, door di laga pasa cu e ta un heredero di e legendario fortuna di famia Rockefeller, diahuebs a wordo sentencia na 27 aña di prizon pa un caso di asesinato no resolvi.

Christian Gerhartsreiter a wordo declara culpabel di a mata yiu di e doño di e cas unda e tabata biba. Esaki a sosode na 1985.

Den e añanan despues di e crimen, Gerhartsreiter a laga pasa cu e tabata un heredero di Rockefeller, pa un productor di cine di Hollywood, un aristocraat Britanico y pa yen di otro identidadnan falso.

El a gaña amigo y amantenan durante un farsa extraordinario di casi tres decada. El a gaña su casa tambe, un señora Britanico y rico durante 12 aña.

E caso di asesinato a wordo habri di nobo ora cu Gerhartsreiter tabata den prizon pa secuestro di su yiu muhe despues di su divorcio. Aki tambe el a asumi un serie di identidadnan falso.

E homber di 52 aña ta mantene su inocencia. □



Christian Gerhartsreiter a declara su mes inocente di asesinato di John Sohus, yiu di e doño di e cas unda cu e tabata biba.

Departamento di Asunto Social (DAS)

E conflicto cu tatanan ta sinti entre tarea di trabao y bida priva, ta mes fuerte cu loke mamanan ta sinti



ORANJESTAD —Mirando cu mayoria peticion pa yudansa na Departamento di Asunto Social (DAS) ta relaciona y/o tin impacto riba educacion di yiu, DAS a dicidi pa cuminsa publica un serie di articulo. Esakinan ta relaciona cu temanan di bida familiar y educacion di yiu. Pasobra apesar cu tin problema den bida diario educacion di yiu ta keda un prioridad.

Segun Departamento di Asunto Social (DAS) e conflicto cu tatanan ta sinti entre tarea di trabao y bida priva, ta mes fuerte cu loke mamanan ta sinti. Awendia mayoria di tata kier tin mas cu solamente e responsabilidad financiero pa nan yiunan. Nan kier tin contacto mas estrecho y kier ta mas involvi cu e educacion di nan yiunan. For di diferente investigacion a resulta cu tata hopi biaha ta sinti nan mes den un conflicto interno. E conflicto cu tatanan ta sinti ta esun entre tarea di trabao y tarea di bida priva, cu ta mes fuerte cu loke mamanan cu ta traha ta sinti.

E hecho cu e tata kier nifica mas den su yiu su bida mes-ter wordo stimula y aplaudi.



Masha poco bo ta mira un mama hunga cu su baby den e forma di tira su baby den laira pa dos seconde y gar'e bek, pa despues mira con tur dos ta hari y disfruta di e momento. Den diferente estudio a resulta cu e tata su papel den bida di su yiu ta uno unico. E tata ta esun cu ta stimula y enscurasha e mucha pa purba di tuma un paso mas leu di loke e por. Mientras e mama ta esun cu ta guia y proteha e mucha su estado emocional.

Mirando cu e responsabilidad financiero (awendia) ta toca na ambos mayor e ta importante como mayor pa tin un trabao y pa por manten'e es-

aki pa asina por sostene bo famia financieramente; pero esaki no por bay a costo di educacion di bo yiu(nan). Mas y mas hende tin un trabao banda di ta mayor. Sea hunto boso ta educa e yiu(nan) of bo ta un mayor bo so, ora mester traha y combina educacion y cuidio di bo yiu(nan), bo ta topa cu retonan. E reto di duna suficiente atencion na bo trabao, bo partner, bo yiu(nan) y bo mes. Retonan cu ta "exigi" hopi di

bo banda. Ta hopi importante pa como mayor bo haya e balansa entre bida profesional y bo bida priva.

Na momento cu e balansa entre trabao y bida priva no t'ey mas, esaki por tin consecuencia negativo riba e educacion di bo yiu(nan). E balansa mester ta entre tur trabao cu bo kier logra riba un dia (incluyendo trabao na cas) y tempo liber pa pone atencion na bo mes y bo yiu(nan). Tin hende kier logra haci masha hopi cos den 24 ora. Hopi biaha nan no ta logra esaki (specialmente ora nan tin 2 of mas yiu).

1. Un bon planeamento di tempo, 2. Structura y 3. Un bon grupo di persona pa sostene bo, lo yuda hopi. Bo famia, bo hogar mester ta e base agradabel y sigur pa bo. Planea bo dia na tal manera cu bo ta incorpora bo tempo liber y tempo cu bo yiu(nan) tambe den dje.

Trabao y estabilidad financiero

ta importante pero e tarea di educa bo yiu y dun'e atencion adecua tambe ta sumamente importante. P'esey ta importante pa busca un balansa.

Pa pregunta riba e topico aki of a yudansa o guia relaciona cu bida familiar y educacion di yiu por yama Departamento di Asunto Social/DAS tel. 582 3145. □

MEGAPLEX 8
caribbeancinemas.com/aruba

100% Digital HD

AUGUST 15 - 21

NEW THIS WEEK!

LOGAN LERMAN | ALEXANDRA DADDARIO
PERCY JACKSON: SEA OF MONSTERS
3D VERSION [PG]
MON - THURS 4:15 | 6:40 | 9:05
FRI 4:15 | 6:40 | 9:05 | 11:30
SAT 1:50 | 4:15 | 6:40 | 9:05 | 11:30
SUN & HOL 1:50 | 4:15 | 6:40 | 9:05

AARON TAYLOR JOHNSON | CHLOE GRACE MORETZ
KICK-ASS 2
MON - THURS 4:50 | 7:15 | 9:40
FRI 4:50 | 7:15 | 9:40 | 12:05
SAT 2:25 | 4:50 | 7:15 | 9:40 | 12:05
SUN & HOL 2:25 | 4:50 | 7:15 | 9:40

LIAM HEMSWORTH | HARRISON FORD
PARANOIA
WITH DUTCH SUBTITLES [PG-13]
MON - THURS 4:40 | 7:05 | 9:30
FRI 4:40 | 7:05 | 9:30 | 11:55
SAT 2:15 | 4:40 | 7:05 | 9:30 | 11:55
SUN & HOL 2:15 | 4:40 | 7:05 | 9:30

ALSO SHOWING!

MATT DAMON | JODIE FOSTER
ELYSIUM
WITH SPANISH SUBTITLES [R]
MON - THURS 4:30 | 6:55 | 9:25
FRI 4:30 | 6:55 | 9:25 | 11:50
SAT 2:05 | 4:30 | 6:55 | 9:25 | 11:50
SUN & HOL 2:05 | 4:30 | 6:55 | 9:25

DENZEL WASHINGTON | MARK WILBERG
2GUNS
MON - THURS 9:30
FRI & SAT 9:30 | 11:50
SUN & HOL 9:30

VERA FARMIGA | PATRICK WILSON
THE CONJURING
WITH SPANISH SUBTITLES [R]
MON - THURS 4:30 | 7:00 | 9:35
FRI 4:30 | 7:00 | 9:35 | 12:05
SAT 2:00 | 4:30 | 7:00 | 9:35 | 12:05
SUN & HOL 2:00 | 4:30 | 7:00 | 9:35

DANE COOK | STACY KEACH
PLANES
3D VERSION [PG]
MON - THURS 4:05 | 6:15 | 8:30
FRI 4:05 | 6:15 | 8:30 | 10:45
SAT 1:55 | 4:05 | 6:15 | 8:30 | 10:45
SUN & HOL 1:55 | 4:05 | 6:15 | 8:30

HANK AZARIA | NEIL PATRICK HARRIS
THE SMURFS 2
3D VERSION WITH SPANISH SUBTITLES [PG]
MON - THURS 4:05 | 6:25 | 8:50
FRI 4:05 | 6:25 | 8:50 | 11:20
SAT 1:55 | 4:05 | 6:25 | 8:50 | 11:20
SUN & HOL 1:55 | 4:05 | 6:25 | 8:50

HUGH JACKMAN | RILA FUKUSHIMA
THE WOLVERINE
WITH SPANISH SUBTITLES [PG-13]
MON - FRI 6:30
SAT, SUN & HOL 6:30

STEVE CARELL | KRISTEN WHO
RESIDENT EVIL: AFTERLIFE [PG]
MON - FRI 4:15
SUN & HOL 2:00 | 4:15

STARTING NEXT WEEK AUGUST 22 | THE MORTAL INSTRUMENTS: CITY OF BONES

Download our **NEW APP**

Palm Beach Plaza | Aruba | 586-0074



Ladronnan ta drenta den La Granja

SAVANETA—Diaranson 05.14 Central ta manda Polis na La Granja pa un kiebros. Na e sitio Polis ta topa cu e homber E.P. kende ta declara cu desconocinan a kibra den e negoshi. E ta bisa cu supuestamente nan a forsa e porta di deposito cu un obheto skerpi. Tambe e ta declara cu mas despues den oranan di dia, e ta traha un lista di locual cu e falta y hib'e warda. □

Ladron ta bay cu auto for di garashi

ORANJESTAD—Diahuebs 07.24, e muhe S.J. a bin warda di Playa pa duna keho di ladroncia di su auto A-19437, un Nissan Sentra 2006, color blauw. E ta bisa polisnan cu mainta 07.00, el a mira cu e auto no ta den garashi na su cas den Sweelinckstraat. □

Homber ta duna keho di ladroncia di un boter di biña

ORANJESTAD—Diaranson mainta Central ta manda Polis na Yuxia Supermarket pa un ladroncia. Eynan Polis a papia cu e homber R.H. kende ta bisa cu dia 13 di augustus 20.33, desconocinan a bay cu un boter di biña di su negoshi. E ta bisa cu diaranson el a mir'e riba e camara di seguridad. Polis a tuma su keho. □

Ladronnan ta kita airco pa drenta horta

SAN NICOLAS—Diaranson 07.45, Central ta manda Polis na Valero Refineria pa un kiebros. Eynan polisnan a papia cu e supervisor di e contratista. E ta declara cu desconocinan a los e airco di e container y dor di e buraco nan a drenta paden y a bay cu diferente articulo. □

Ladronnan ta kibra den auto y ta bay cu paspoort

ORANJESTAD—Diaranson 09.43, Central ta manda Polis na un compleho di apartamento pa un ladroncia. Na e sitio Polis a papia e homber L. kende ta bisa polisnan cu e a para e su auto Nissan Sentra V-1770, entre 20.00 y 20.30 dilanti e apartamento. El a bisa cu el a laga e auto na yabi cu tur bentana cera. Mainta mas o menos 09.30, un empleado di e apartamento a bis'e cu un bentana di e auto tabata kibra. Ora cu el a sali pafu, el a mira e bentana chikito di e porta patras kibra. Despues el a controla den e auto si nan a bay cu algo, ya mira cu ladronnan a bay cu un map den cual tin su documentonan personal. Tambe e no a haya su paspoort Hulandes cu tabata den e auto. E auto Nissan Sentra ta pertenece na Amigo Carrental. Polis a tuma su keho y a pone departamento di Recherche na haltura. □



REGERING VAN ARUBA

De Minister van Justitie en Onderwijs, als bevoegd gezag van de Openbare Scholen roept sollicitanten op per 1 augustus 2013 voor de vacatures van:

M.A.V.O.

- 1 docent Informatiekunde, 2° graad bevoegdheid voor 20 lesuren
- 1 docent KGL, 2° graad bevoegdheid voor 6 lesuren

In de sollicitatiebrief/ C.V. dient in ieder geval vermeld te worden:

Naam, volledige voornamen, geboortedatum en geboorteplaats van alle gezinsleden.

1. Burgerlijke staat; bij gehuwden datum en plaats van huwelijksvoltrekking.
2. Bevoegdheden; in welk jaar behaald (kopieën van relevante diploma's bijvoegen).
3. Relevante onderwijservaring; referenties (e-mailadres en telefoonnummer).
4. Telefoonnummers, faxnummers en e-mail adres.

Van sollicitanten wordt verwacht een ruime belangstelling voor het onderwijs, een daadwerkelijke inzet bij de aanpassing van het Nederlandse onderwijs aan de Arubaanse situatie. Salariëring conform bezoldigingsregeling.

Sollicitaties, kunnen binnen één week na het verschijnen van deze advertentie worden gericht aan de minister van Justitie en Onderwijs, d.t.k.v. Hoofd Dienst Publieke Scholen, dhr. Kenneth S. Jong, Caya G.F. (Betico) Croes 38, Oranjestad.

Polis di Barrio a haci diferente control

ORANJESTAD—Diaranson durante dia Polisnan di Barrio a tene diferente control entre otro na haltura di ex Music Box na unda e conoci di polis Chico Gang a haci su entrada. Polisnan a sak'e afo cu su pertenencia y cu ayudo di personal di Serlimar, nan a hib'e na cas di su mama den Mandolinstraat. Relaciona cu diferente keho di ladroncia cu a tuma lugha den Centro di Ciudad, y cu a drenta informacion cu na e ex Aqui me Quedo, nan ta bendiendo paña. Na e sitio Polisnan no a haya nada. Eyden Polisnan a topa cu e siguiente drogadictonan, M.V. di 53 aña, J.A.O. di 33, y e muhe D.W. cu ta biba den Caya Franse Bloem. Diaranson e muhe K. Naci na Aruba di 61 aña a bin warda di Polis cu su ruman homber y muhe, kendenan ta doño di ex Music Box, y a bisa Polisnan cu Diasabra awor nan lo cera e lugha cu cement. E ta bisa cu el a laga Chico Gang biba den e lugha, pa miedo cu e lo haci'e algo. El a keda hopi contento cu Polisnan a sak'e for di e edificio. □

Choller ta menasa di kima edificio

ORANJESTAD—Diaranson 19.29, un persona ta informa cu e choller Chico Gang a bisa cu e ta bay kima e edificio, for di cual nan a sak'e. Polisnan a duna e informacion na e Departamento concerni y lo core tene vigilancia y busca Chico Gang den bisindario. □

Muhe cu a insulta shofer a haya wanta

ORANJESTAD—Diaranson 14.25, e muhe B, naci na Aruba di 21 aña, a bay warda di Polis pa duna di conoce di un caso cu a pasa cun'e. B, ta declara cu dia 14 di augustus 14.20, e tabata core den Havenstraat, ora cu e tabata na haltura di Botica Kibrahacha, el a mira un truck berde di un compania di entrega. E ta bisa cu e shofer di e truck tabata core riba e parti drechi na unda e tram ta core y kier bay core na e parti robes. Pa evita un accidente, el a pita e shofer di e truck algun biaha. B, ta bisa cu e shofer a baha for di e auto y a bin den su direccion na un manera agresivo. B, ta bisa cu e homber a dal'e un wanta na e banda robes di su cabes. E ta bisa cu el a defende su mes y a dal e homber un scop. B a tuma number di e truck y tambe a nota e number di telefon cu ta riba e porta di e truck. Polisnan a tuma contacto mesora cu e compania y a papia cu e homber. E ta bisa cu berdad el a dal e muhe, como cu el a insult'e dos biaha bisando " bay den t... di bo mama. E homber a bisa cu e no ta acepta esey. Tambe el a bisa cu el a tuma contacto cu Central. Polisnan a mostra R.T. riba e posibel consecuencia di maltrato. □

Choller ta horta machin for di baki pickup cu doño drumi aden

ORANJESTAD—Diaranson 14.45 Polisnan a bay den Hendrikstraat, na unda un homber ta core tras di un choller. Na e sitio Polis a mira un homber cu ta para nan. Polis a papia cu e homber R.B., kende ta bisa cu e tabata drumi den su pickup Isuzu color blanco. Diripiente el a tende un klap duro y a lanta. El a mira e choller G.M.P. su dilanti kende tabata busca cos den e baki di pickup. El a grit'e pa stop, pero el a coy un mashin di e marca Poland for di e baki y a core bay direccion di Hendrikstraat. R.B. a bisa Polis cu el a core su tras, pero a perd'e for di bista. Polis a tuma e keho. Despues di a listra un rato, Polisnan a topa cu e choller P. na haltura di ex Hotel Central. El a cuminsa core y Polisnan a core su tras. Den Koningstraat, Polis a logra gar'e y a hib'e warda pa investigacion. □

Persona ta keda deteni despues di a horta herment di Kooyman



E Cabayero cu a keda deteni.

ORANJESTAD - Diahuebs mainta algo prome cu 11'or y mey, ta drenta un informacion cu tin tres persona sospechoso para na un auto banda di e edificio den construcccion net pariba di Kooyman riba Avenida Watty Vos. Aki un patruya cu tabata cer-

ca, mesora ta bay na e sitio y ta topa cu un homber para sospechoso na un Opel Corsa Cora sin plachi number y cu un buraco basta grandi den e windshield. E homber a cuminsa haci fastioso y e polis mesora a pidi pa refuerso.

Na yegada polis a haya un set di Racha, tambe un set di herment, cuashi y bleki flit den su auto. Mesora polisnan a tuma accion y ta detene e homber. E articulonnan a wordo kita for di dje, mientras un hefe di Kooyman a bin reconoce cu e articulonnan ta procedente for di Kooyman. Polis a detene e homber y el a wordo transporta pa Warda di Polis, mientras su auto a keda confisca, unda cu takelwagen di polis a bay cun'e na Warda di Polis. □



Polis controlando den e auto.



Refuerso a yega na e sitio.



E auto a keda confisca y takelwagen di polis a transporte pa Warda di Polis.



Polis a haya un set di racha den su auto.



REGERING VAN ARUBA

De Minister van Justitie en Onderwijs, als bevoegd gezag van de openbare scholen, roept in verband met het openen van een "Dependance Emmaschool" te Burubuno met 3 MLK klassen en 3 Cluster-4 klassen sollicitanten op voor 8 (acht) vacatures in het Speciaal Onderwijs.

Dependance Emmaschool te Burubuno:

3 leerkrachten voor MLK (6-12)

3 leerkrachten voor Cluster-4 (6-12)

Emmaschool te Ayo:

2 leerkrachten voor MLK (6-12)

Van de sollicitant wordt verwacht dat hij/zij:

- de Nederlandse nationaliteit bezit;
- de Papiamentse taal goed beheerst;
- bereid is tegemoet te komen aan de specifieke behoeften van de leerling;
- bereid is zich bij te scholen;
- in teamverband kan werken;
- een positieve instelling heeft ten aanzien van onderwijsvernieuwingen

Sollicitaties, voorzien van een curriculum vitae en kopieën diploma's, kunnen binnen één week na het verschijnen van deze advertentie worden gericht aan de minister van Justitie en Onderwijs, d.t.k.v. Hoofd Dienst Publieke Scholen, dhr. Kenneth Jong, Caya G.F. (Betico) Croes 38, Oranjestad.

Mientras cu un cas tabata wordo menasa

Candela di mondi y sushi a bira grandi



E candela tabata menasando e cas aki.



Brandweer pagando e candela.



Mondi na candela.



Pariba di Crown band'i panort.

ORANJESTAD - Diahuebs atardi algo pasa di 5'or brandweer ta wordo manda cu urgencia na Turibana pa atende cu un candela di mondi y sushi cu tabata birando grandi un poco panort di e edificio di Crown na Turibana. E candela tabata menasando un cas den vecindario. E biento fuerte tabata yudando

e candela crece y a cuminsa menasa e cas den vecindario, un di e habitantenan a sali cu slang di awa y tabata purba mantene e candela riba un distancia. Brandweer hopi lihe a logra domina e candela aki y pag'e por completo, den e candela tabata tin hopi palo cu tabata benta den e mondi y a kima. □



Are you looking for a new job challenge?

General Air Services is now accepting applications for **Part-Time Ramp Handler Agent**. His function is to receive, prepare, load and offload all passengers' luggage that arrive and depart on daily flights, and different other tasks on the ramp. You will be working in a team servicing one of our well-known international airlines.

Job Requirements

- A minimum of EPB Degree.
- Should be at least **19 years old**.
- Able to work during **week days** / **weekends** and **holidays** schedule **11:00-17:00**
- Should be responsible, self-determined, representable, and **Dynamic**
- Excellent knowledge of the English language in word and in grammar.

We Offer:

- A friendly working team and atmosphere
- Possibility to grow in airline business with airliners benefits.
- Employee benefits according to the labor law.

What do you have to do if you are interested?

Come by our Human Resources office located at Queen Beatrix Airport in the Non USA departures building between 9:00 am to 12:00 pm and 2:00 pm to 4:00 pm to pick an application form before Tuesday August 20, 2013.

Candelario Booshi Wever, Lider U.P.P.

Proyecto hospital ta keda dudoso



ORANJESTAD -- Manera ta conoci, for di un principio nos tabata vocifera nos opinion cu den e proyecto di renobacion/expansion di hospital, wega- y manipulacionnan tabata tuma luga, y keto bay ta tumando luga entre e arkitekto Bermello & Partners, y Arrellano/OHL, hunto cu personanan liga na ministernan Sevinger y Visser.

Di Bermello ta conoci cu no ta zuivere koffie e.o. na Merca, mientras su envolvimiento entre otro den e proyecto corrupto di racetrack na Aruba ainda ta fresco den nos memoria; Bermello mes, despues di e desaster di e racetrack, a keda invisibel durante 8 aña di e gobernacion anterior di Aruba.

Cu cambio di gobierno sinembargo, personanan local – supuestamente drechi – ta sigui deal cu e persona aki.

Despues cu Parlamento a aproba un suma maximo di 212mion pa e proyecto aki, fuera di e otro companianan, Arrellano/OHL a bid 238mion, y e grupo Frances Bougues a bid 214mion, e diferencia di 24mion NO ta strobande e comision pa hasi tur nan esfuerso pa NO otorga e

proyecto na e grupo frances, sino na e amigo di Bermello! Kico nos ta weita awor.

Den medionan di comunicacion a sali cu lo mester acerca Parlamento pa mas placa, pasobra ningun di e dos companianan ta keda den e suma cu Parlamento a aproba. Den e Memoria van Toelichting ta para cla y raspa, cu den caso cu bid, bid mas cu 10% riba 212 mion florin, e ora ey mester acerca Gobierno pa bin discuti al respecto, y NO Parlamento.

E pregunta ta, dicon mester gaña cu mester busca mas placa. Ta wega kier hunga, Ta tarda kier tarda cos. Lo ta pa tarda cos of pa duna partidonan un chance pa drecha nan oferta, awor despues cu e amiguismo di Arrellano/OHL, esta Bermello conoce loke cu e grupo frances a bid.

Pues cu e sugerencia aki e principio di bon gobernacion a wordo atrapa. Den e caso specifico aki nos ta papia cu e proceso ta Un-fair. Ademá si nos weita cu e bid di e Francesnan (214mion) no ta ni 1% mas halto cu e suma aproba pa Parlamento (212mion), no ta keda nos nada otro cu asumi cu e in-

tencion tras di e 10% ta pa duna Arrellano/OHL chance pa cambia nan oferta, y finalmente gana e bid toch.

Den e e-mail cu nos a menciona den un ocasion anterior, a wordo papia di un value engineering period, den cual lo por bay baha e prijs pa nan baha nan prijs, nan mester drop 26mion ta hopi mas facil pa e compania Frances baha nan prijs cu 2 mion, for di 214mion pa 212mion No haya gayo que canta mas claro!

Union Patriotico Progresista – U.P.P. ta reta cualkier partido involvi den e proyecto di hospital, pa desmenti locual nos a describi aki, nos ta reta nan tambe pa publica e bestek y e diferente ofertanan na final of ponenan na nos disposicion na mesun momento ta invita/-retanan pa publica locual Bermello ta bay cobra na comision.

Union Patriotico Progresista – U.P.P., tumando e asunto di e proyecto di hospital como ehempel, ta keda pone énfasis riba un punto importante y cardinal den su programa, esta di pone un paro na corrupcion, mara man di politiconan, y exige Good Governance bao di tur circunstancia. □

Chris Romero,

Pabien na e Cuerpo Policial di Aruba

ORANJESTAD -- Ora nos pensa riba e palabra 'Polis' nos ta pensa riba seguridad di nos dushi Pais Aruba. Polisnan ta pone nan bida tur dia na peliger pa proteha nos tur y mantene ordo publico. Nan ta honesto, integro y tin un halto grado di responsabilidad pa proteha nos Pais Aruba di e actonan criminal cu dia pa dia ta bira mas hopi y alarmante. Pa diferente caso di emergencia mayoria parti ta departamento di Polis nos ta yama pa bin asisti nos den nos necesidad. Ora cu e seguridad nacional ta wordo salvaguardia debidamente, no tin luga pa tanto violencia of actonan

contra ley. Cuerpo Policial mester keda motiva pa e por haci su trabou debidamente. Por ehempel, nan mester keda haya educacion den nan ramo pa nan keda al dia di tur e cambionan cu tin pa cu seguridad nacional y situacionnan cu nan ta concentra tur dia un mas dificil cu otro, material y tur locual ta necesario pa cumpli cu e trabou.

Un Pais mester tin confianza y respet pa su Cuerpo Policial y vice versa. Ta solamente hunto nos por logra pa mantene tranquilidad y seguridad den nos dushi Pais Aruba. Duna nan reconocimiento pa nan

logronan y ta critico den un forma positivo pa yuda nan yuda nos.

Nos Pueblo mester sinti cu e ta proteha, su propiedad ta proteha, cu nos por cana tranquil riba caya y ta convenci cu nos Cuerpo Policial ta cuida nos.

Nos turistanan mester sinti nan mes proteha pasobra esey ta e punto principal pakico nan ta cochi pa bin Aruba, one happy and safe island. Un biaha mas hopi pabien, forsa y exito na nos Cuerpo Policial den e trabou noble pero alabes peligroso.

UN ARUBA EDUCA TA UN ARUBA PROTEHA. □



Comunicado di EVELYN WEVER-CROES

E mega debe di Mike Eman ta stroba gobierno pa planifica!

ORANJESTAD -- Aña escolar 2013/2014 ta cuminsando, y un biaha mas cu turbulencia. Gobierno di Mike Eman a bolbe faya barbaramente, debi na mal planificacion di gobierno. Henter vakantie por a planifica pa haci trabounan di mantencion y di mudamento. Pero debi na falta di placa, no por a haci tur locual mester a haci durante vakantie.

Asina por ehempel e siman aki lo baha dak di scol basico Mon Plaisir y consecuentemente tanto Colegio Arubano como Mon Plaisir MAVO no por a habri ainda. Esaki sin duda tin su efectonan riba e calidad di estudio, y specialmente es nan cu ta den klas di examen lo wordo afecta pa esaki. Colegio San Antonio tampoco por a habri ainda, pa motibo cu mester muda pa Dakota.

Pero mas preocupante ta e cantidad grandi di alumnonan cu no por a cuminsa aña escolar debi cu e mayornan no tin placa pa cumpra uniform

of tas di scol. Pobreza ta creciendo masha lihe na Aruba, principalmente debi na desempleo. Locual ta mas lamentabel ta cu e victima ta e muchanan, y ta un berguensa cu gobierno no por yuda e muchanan aki pa nan por habri nan aña escolar na bon forma. Y dicon gobierno no por yuda? Pasobra no tin placa.

Y tur esaki tin un solo causa: e MEGA DEBE di Mike Eman. E MEGA DEBE cu Mike Eman a pone riba lomba di cada ciudadano ta pone cu no tin placa mas pa yuda es nan mas vulnerabel den nos pais. Es nan cu ta cobra onderstand por haya un poco placa extra, pero mester warda te fin di luna. Dicon no a percura pa e placa t'ey prome cu scol cuminsa? Dicon mester sigui gasta placa na biahamento y fiestanan, y con ta para cu e personanan di menos recurso.

E prioridatnan di Mike Eman ta ekiboca, y a hinca nos pais den pobreza. E MEGA DEBE ta strobando nos di brinda un



calidad di bida digno na nos muchanan. Y mas tristo ta cu gobierno kier sconde di bo, e no kier pa bo sa e berdad.

Si abo no kier pa bo famia paga e consecuencia di e mal maneho di Mike Eman, dia 27 di september vota pa un cambio di rumbo pa nos pais,

un cambio di rumbo caminda MEP lo para e malgastamento di placa y lo pone e ser humano central atrobe. Vota pa MEP. □

IMF a duna gobierno un rapport yen di onvoldoende

PDR ta haya cu esaki ta hopi serio



ORANJESTAD -- Partido Democracia Real ta haya cu gobierno di pais Aruba tin hopi reto su dilanti, mirando e preocupacion cu IMF ta pone den su rapport riba e situacion financiero economico di Aruba. Segun lider di e partido esaki

cu awor nos ta mira unda e placa ta bay. Si IMF ta señala esaki, kiemen ta invertiendo conforme loke ta e norma rond di mundo di paisnan similar cu Aruba, bus caminda e gastonan a bay redobla. Lider di PDR por conclui di e rapport di IMF cu a emplea

mas coordinador. E gobierno aki di AVP a bay eleccion cuater aña pasa, bisando cu nan no ta bay emplea mas hende y ta bay tin naturlijke afvloeiing etc. pero a emplea pata pata di coordinador y esey a pone cu tin mas gasto cu a subi. Si wak e rapport bon, y loke PDR a señala tur e añanan aki ta wordo confirma door di IMF. Hopi biaha PDR a bisa cu negoshinan mediano y chikito ta curason di Aruba su economia y IMF netamente ta constata cu tin hopi obstaculo pa lanta negoshi mediano y chikito cu e interes di fianza ta hopi halto y cu e procedura burocratico ta hopi.

Dus IMF ta bay recomenda pa reduci esakinan y PDR den su programa di gobernacion 2013/2017 tin esaki. E partido aki semper ta tene na bista sector priva y ta realisa cu sector priva ta mantene e economia. Tambe por mira den e rapport cu mester diversifica e econo-

mia. Gobiernonan despues di Status Aparte tur biaha a bay eleccion incluyendo gobierno di AVP cu nan ta bay diversifica economia, sinembargo te dia di awe ningun gobierno no a logra. Loke nan a logra ta di cera e refineria y netamente IMF ta señala door cu e refineria a cera tin un perdida di 12% di nos GDP.

Lider di PDR ta sigui bisa cu PDR den gobernacion lo haci maximo esfuerzo pa reapertura di e refineria, a presenta cinco compania na e gobierno actual pa nan por bay wak y explora con ta bay haci reapertura di e refineria, pero a drumi riba esaki. Pa PDR e refineria ta crucial y e ta un di e factornan tambe pakico cu e situacion financiero di pais Aruba ta deplorabel. Gobierno di su banda a haci hopi fanfaria y hopi seminario a gasta hopi placa riba green energy y energia renobabel y cu esey lo saca Aruba y cu esey ta bay ta

e proximo pilar economico di pais Aruba, sinembargo IMF ta constata riba esaki cu esaki ta hopi dificil pa logra pasobra e ta rekeri inversionnan cuantioso y probablemente Aruba no tin e experticio pa expande esaki y cu e ta un reto hopi grandi y hopi largo.

Di parti PDR nan ta kere den crea pilar consumidonan cu ta facil pa logra manera paisnan Corsou, St. Maarten y Hulanda ya caba ta ganando hopi placa.

Den concepto di lider di PDR Andin Bikker, IMF a duna gobierno un rapport yen di onvoldoende y tog gobierno ta pretende cu e la bay over y PDR no ta comparti e opinion ey. Tambe PDR kier pa gobierno bin duna cuenta con e ta bay reaccion riba e rapport aki In concreto y no keda draai rond di e cifranan. Na final di dia por core pero no por sconde y den concepto di PDR e ta algo hopi serio. □

Raymond Hernandez - Partido UPP:

Eleccion ta algo serio

ORANJESTAD -- Diabierna ultimo UPP a haci entrega di su lista. UPP a scochi pa haci esaki na un manera serio y sin e fanfaria necesario, mirando cu periodo di eleccion mester algo serio. Particularmente si nos mira e situacion dificil cu nos pais ta aden, no ta momento pa haci fiesta of organisa Carnaval, manera si partidonan tradicional, incluso esun mas jong cu actualmente ta den Parlamento. Pa colmo hustamente riba e dia di entrega di lista IMF ta saca su rapport, cu ta muestra cu e estado di salud financiero di nos pais, ta practicamente den intesive care.

Y ora nos kere cu e weekend lo a inicia cu un discusion riba kico ta e diferente issuenan, diferente problemanan cu ta asota nos pais, e rapport di IMF of kico ta e programa di cada partido, nos por a mira cu enfoke tabata dirigi riba ken a bin cu mas hende, cua partido tabata tin e marcha mas largo, cua partido tabata tin e banda mas great of e carosa mas bunita. Cua partido tabata tin e cara mas bunita riba lista y kende tabata tin mas reina riba lista, y ken a keda afo y cua di e candidatonan ta mas fotogenico.

Pa colmo den un programa radial diasabra ultimo, un

reportahe te, panelista den e talkshow, a bay asina leu di bisa cu nos pueblo no ta gusta lesa y cu no ta interesa pa profundisa riba ideanan. Pasobra pueblo lo ta interesa di actividadnan masal, y unda cu e logo mas bunita mester atrae e votadonan particularmente es nan jong. E ta bisa tambe cu e ta kere cu mayoria partido no a capta e concepto aki ainda y p'esey e ta elogia partido berde pa tur e invasionnan cu nan a trece den politica, esta di tin e logo, sticker y banderanan, yamativo cu ta alcapara, mescos cu e actividadnan di masa cu ta impresiona.

Tambe segun e panelista aki cu ora cu bo ta sincero cu e pueblo, y bisa cu tabata dificil pa yena un lista pasobra bo no por haya hende, e no ta analisa e motibonan cu un partido ta duna. E no ta busca e profundidad pa asina informa e pueblo debidamente y cumpli manera su profesion ta. Particularmente el a referi na nos partido, UPP. Kico e kier. Pa nos gaña e pueblo P.e. cu pasobra nos tin 8 luna di existencia, nos a bin cu 8 candidato, Riba aspectonan real di contenido no a wordo referi na dje.

UPP ta kere peñamento cu e pueblo aki ta un pueblo sabi y inteligente, cu ta buscando



informacion.

No por deduci e kisas 1 asiento y mey cu a subi caya, ta determina kico e pueblo aki sinceramente ta interesa den dje. Den su papia e panelista aki ta bisa indirectamente cu e pueblo aki no ta interesa den

haya sa kico ta profundidad di nos problemanan, pero ta tras di show, carnaval y fiesta-mento. Hustamente esaki UPP a bin pidi nos pueblo pa informa su mes mas tanto posibel pa asina e por haci su eschoho na un manera hopi consciente

y balansa.

Gobernacion di un pais, ta algo serio y no ta un show, ni joke, ni carnaval. **BAN SERIO**

P'esey UPP ta para pa **INFORMA** y **CONSCIENTISA** pueblo. □

Diana L. Amelo Hennep, Candidato #3 Riba lista di PPA

Un Dama integro dinamico y profesional pa soluciona retonan grandi cu ta afecta nos pais

ORANJESTAD -- Un Dama integro dinamico y profesional dispuesto pa soluciona retonan grandi cu ta afecta nos pais Aruba. Naci na Aruba. Diana a lanta den e barrio di Dakota i a bolbe bay biba eyan. Su mama a nace na Surnam i tin casi 50 aña biba na Aruba. Su tata a nace na Aruba i tur dos a traha den e area di enseñansa i a contribui pa educa e generacion nobo. Diana a crece cu un sentido di etica i moral halto. Tambe e a wordo lanta cu e balor di traha duro pa logra su metanan. Cu e pensamiento di "No warda i spera pa hende haci bo favor".

Cu su 19 aña Diana a bay Hulanda pa sigui cu su estudio. Na Universidad di Amsterdam e a studia i a gradua como 'Fiscaal Jurist', (Derecho di Impuesto). Despues di

a traha un par di aña na Hulanda e tabatin e deseo pa regresa i yuda su pais na unda e a nace. E a solicita i despues di pasa diferente test a wordo ofreci e puesto di Adjunct Inspecteur der Belastingen. Despues Diana a bay traha na Polis den staf di Korpschef. Na 2007 e a baha cu V.U.T. pa cumpli cu su deseo di cuminsa su propio negoshi. A crea e compania "Dinamo Consultancy" i a tuma su prome pasonan como empresario. Na 2009 Diana a acepta e reto di traha na Gabinete di Gobernador di Aruba.

Prome e a traha como Presidente di e Commission di Audiencia i despues como trahado consular, primeramente encarga cu naturalisacion. Na 2012 despues di haci su eenmanszaak un N.V. Diana

a cuminsa traha atrobe ariba su mes. Nunca e a pensa di drenta den politica pero ora e a wordo acerca e a pensa cu un manera pa sirbi bo pais ta 'steek je nek uit' en 'steek de handen uit de mouwen'.

Esaki ta encera di tuma e riesgo, sin miedo pa represalia realizando cu nos ta biba den un pais democratico. Si bo ta wak cu algo no ta bon, bo tin cu bisa algo of tuma accion. No para na banda i critica. Pensando riba tur e cosnan cu no ta bayendo bon ariba su pais stima Aruba, e a dicidi di haci algo. Diana ta dispuesto pa sacrifica tempo di su empresa pa haci tal. Tin algun punto cu tin su interes principal. Esakinan ta Finanzas publico, compania chikito, forsa laboral i maneho di integracion. Tur ta retonan grandi pa soluciona. □



Comunicado di Rene Herdê:

Stop perdemento di placa, tempo y talento



E sistema di 'keda sinta' ta causa di hopi problema den nos enseñansa. E no tin ningun balor pa siñamento di nos muchanan. E ta causa hopi frustracion y ta demotiva muchanan for di chikito caba. E ta forsa maestronan di scol pa pone mas atencion na bini cla cu e buki, enbes di pone atencion e mucha y con e ta siña.

E ta causa hopi gasto innecesario na repeticion di añanan di scol. Pa nos yega na enseñansa cu di berdad ta duna nan gana di siña y cu ta desaroyo y talento di berdad, nos mester cambia e sistema aki. Rene Herdê, especialista di enseñansa di partido AVP ta señala un di e causanan mas funda-

mental di problemanan den nos sistema di enseñansa.

Keda sinta no ta un problema nobo. Pero e ta un problema cu pa masha hopi tempo a purba cambia, pero te awor sin exito.

CAMBIO

Mas cu 35 aña pasa e sindicato di maestro SIMAR a organisa un congreso internacional riba e tema aki pa muestra tur su defectonan y pa presenta alternativanan pa enseñansa di calidad den nos scolnan. E rapport cu a sali di e conferencia aki tabata tin e titulo: Lanta para contra keda sinta. Awe 35año despues ainda nos tin e sistema di keda sinta cu tur su consecucionan negativo.

Rene Herdê a keda uza e sistema di organisa lesnan den e forma tradicional aki aunke e no tin niun beneficio. Te awe ami no a tende un bon argumento pa keda uza e sistema aki. Mester a cambi'e hopi aña pasa caba. Pero no ta laat. E argumentonan cu ta uza pa defende e sistema di keda sinta ta cu e ta facil pa organisa y e ta spaar placa.

E ta facil pa organisa, pero cu consecucionan malo pa e mucha y pa comunidad. Loke e sistema ta haci ta djis pone un grupo di mucha di e mes

un edad hunto den un klas y duna nan les como si fuera nan tur ta mes cos, nan tur ta siña mescos y mes lihe. Ora esunnan cu no siña mes lihe of mes bon den un of otro materia, nos ta laga nan ripiti henter e aña como si fuera nan no a siña nada e aña.

Rene Herdê henter e pensamiento tras di e sistema ta incorrecto. Niun dos mucha of hoben ta mescos. Ni si nan ta ruman of morocho. Pero den scol si nos ta trata henter e grupo di 25 pa 30 mucha manera cu nan tur ta siña mescos, cu nan tin e mes un interes y abilidadnan.

Es nan cu no siña mes lihe of mes bon, ta cay atras cada dia mas si nan no haya ayudo of si nan no haya splicacion y guia pa siña na un otro manera. Como cu e maestro tin cu bini cla cu e lesnan, e no tin tempo pa pone atencion na es nan cu a cay atras.

Na fin di aña es nan cu no a bini cla cu tur e materia of cu a cay atras ta keda sinta. E otro añanan tin cu cuminsa completamente di nobo, siendo cu kisas ta un tiki ayudo so nan tabata tin mester na un of otro momento den aña pa nan a sigui.

Pero nan tin cu ripiti henter e

aña. No lo tabata miho pa nos a señala cualkier fayto cerca e muchanan mas tempran, duna nan e guia y splicacion na nan forma di siña y asina evita cu nan ta cay atras y keda sinta

PERDEMENTO DI TEMPO, TALENTO Y PLACA

Rene Herdê ta calcula cu miyonnan di florin ta bay perdi tur aña na laga muchanan ripiti aña di scol innecesariamente. Rene Herdê ta bisa cu e muchanan ta wordo demotiva oranan tin cu ripiti cosnan cu ya nan sa. Nan ta perde atencion y gana pa bay scol. Ora muchanan keda sinta mas cu un biaha nan ta bira mucho grandi pa nan grupo, nan ta kita for scol y nos ta perde nan completamente. Asina nos ta crea problema enbes di evita problema.

E miyonnan cu nos ta perde tur aña cu tur e muchanan cu ta keda sinta, nos lo por uza miho pa señala e necesidad pa ayudo mas tempran, duna guia y ayudo na tempo y preveni tur e perdida aki. Otro paisnan a deshaci di e sistema di keda sinta y a wak avanzan grandi den enseñansa di muchanan. No tin ni un motibo pa nos sigui cu algo cu no ta bon pa nos. Nos mester proteha nos muchanan mas y lanta para contra keda sinta. □

Minister Mr. Drs. Arthur Dowers

Nos hobennan ta motiva pa siña y ta mas bien pidi pa mas oportunidad y opcion

ORANJESTAD: Un di e preguntanan haci pa prensa riba prome dia di scol cu a capta atencion di Minister di Husticia y Enseñansa tabata cu si den su cuatro añanan como mandatario e por conclui cu nos hobennan ta motiva of no. Minister mr drs Arthur Dowers a contesta cu un "Si!" cu hopi confiansa, pasobra esaki ta algo cu el a nota na diferente ocasion y den e forma cu nos hobennan ta acerc'e cu entusiasmo pa comparti nan ideanan pa realisa y mehoracion di enseñansa.

E hobennan cu ta bay scol na Aruba en general ta motiva y esaki ta refleha den nan reaccion na momentonan cu nan ta confronta cu retonan manera ora cu EPI a anuncia cu no tabatin mas cupo pa estudiante dos aña pasa y ora cu Colegio Arubano Oranjestad a dicidi di stop di ofrece E-klas algun

aña pasa. Pero tambe esaki ta refleha den e reaccionnan di e hoben ora cu presenta na dje cualkier oportunidad nobo, e entusiasmo cu nan ta gara esaki y sigui cun'e ta admirabel. Minister Arthur Dowers, kende semper a disfruta di e proceso di estudio y ta motiva "lifelong learning", a experiencia diferente momento asina y ta busca semper pa bin cu solucionnan bon y lihe unda cu esaki ta posibel.

Durante e prome dialogo cu hubentud por a nota e entusiasmo di e hobennan pa comparti cu Minister Dowers, Directie Onderwijs y Inspectie Onderwijs tur locual ta preocupa nan, pero loke tabata masha remarcabel tabata e solucionnan y sugerencianan cu e hobennan a presenta. Esaki sigur ta refleho di nan boluntad y motivacion propio pa participa activamente den e

procesonan di decision, planning, soluciona reto y eleva e nivel di nos enseñansa y servicionan en general.

Un di e topiconan cu ta actualmente riba mesa ta "Summer School", cual lo provee e estudiante cu no a logra e puntonan pa bay over pa via cu e falta por ehempel "een tiende punt", pa durante di vakantie grandi e por sigui un curso di e vak cu e no a logra. Si e estudiante caba e curso di e vak aki cu exito e lo ricibi su puntonan necesario pa asina e por sigui toch pa e siguiente klas y no mester ripiti e aña escolar. Esaki ta un opcion cu hobennan a pidi p'e, cual ta wordo sondea y discuti.

Minister Dowers a duna como ehempel tambe cu ora cu el a pone fondonan disponibel pa provee guia extra pa alumnonan den examenklas, e reaccion tabata bon y hopi hoben a haci

bon uzo di e lesnan extra aki. Den e caso di EPI, despues cu hopi alumno a keda sin cupo den apenas algun dia a percura pa ofrece e opcion di middag-HAVO, cual a resorta directamente bao di Dienst Publieke Scholen. Ademas, e peticion pa reinstitucion di E-klas a wordo contesta di biha pa Colegio San Nicolas na momento cu Minister Dowers a dicidi cu no lo acepta p e scol cera, pero a comberti esaki den e prome HAVO/VWO publico di Aruba.

Tambe por menciona cu e reaccion riba e anuncio di e cuminsamento di e lerarenopleiding Nederlands y esun pa Wiskunde, ambos "tweede-graads", tabata impresionante. Esakinan ta simplemente ehempelnan di casonan unda cu Minister Dowers y su team di enseñansa ta tuma paso pa ofrece mas opcion na nos ho-



bennan kende ta hopi motiva pa studia y sigui padilanti den un rumbo positivo. Tin mas idea, concepto y proyecto manera e "Summer School" cu ta den proceso pa investiga y realisa, cual ya caba ora menciona nan ta hayando reaccion hopi positivo di nos hobennan. □

IBiSA tin mainta di informacion:

Instructornan di Deporte ta cla pa aña escolar nobo

ORANJESTAD – E aña escolar 2013-2014 ta inicia pa mayoria scol e siman aki y Instituto Biba Saludabel y Activo, IBiSA a reuni cu tur instructor di deporte escolar riba diaranson mainta pa trata diferente aspecto y preparacion pa deporte na scol pa e aña escolar nobo.

Contento, motiva y cla pa tur reto, e instructornan a sinta delibera cu maneho di IBiSA pa delinea e coordinacion di e diferente deporte pa atende na scol. E rooster di e instructornan y nan school asigna pa e aña escolar a keda trata, como tambe e calendario deportivo di IBiSA cu ta indica e deportenan competitivo en-

tre e schoolnan pa e aña aki y e fecha cu e competencianan ta tuma luga. Asina cada instructor por cuminsa prepara e hobennan na school den e respectivo deporte, pa nan por tin un representacion exitoso pa nan school den e competencianan. Un tema hopi importante cu a keda trata e mainta aki, tabata e reglanan di conducta pa cada instructor. A repasa tur punto cu hopi dedicacion. Durante e encuentro a introduci Sr. Edgar ‘Gachi’ Erasmus como e persona di contacto di IBiSA pa tur instructor di deporte escolar. Mientras cu Sr. Candido Tromp ta keda e persona asigna pa e control y



evaluacion di e instructornan di deporte escolar. Cu e trabou keda haci cu hopi amor y dedicacion pa nos hobennan, manera ta e caso tur aña cu e instructornan di deporte esco-

lar ta demostra cumpliendo cu e scol asigna na nan. IBiSA ta desea tur instructor di deporte escolar hopi exito durante e aña escolar nobo cu a caba di cuminsa. □



Minister di Turismo y ATA

Aruba ta forma parti di e plataforma di ‘Master Card’s Priceless Cities’



sigura pa Aruba forma parti di e programa aki. “Aruba tin tur e caracteristicanan pa cumpli cu e criterio di un ‘priceless city’, mirando tur loke e ta ofrece na e bishitante”, ta loke e Vice Presidente di Mercadeo, Lorena Holgium ta indica.

INCENTIVO

E plataforma aki ta ofrece clientenan di MasterCard diferente incentivo cu ta hopi atractivo pa e bishitantenan di nos isla cu ta bin Aruba, muy en special pa ‘shopping’. Esaki lo ta atrae sigur e mercado Latino Americano cu ta wordo considera ‘high-spenders’. Minister Oduber

ta aplaudi e iniciativa aki di ATA pa crea un sociedad cu Master Card cu ta un compania grandi y renombra den credit card cu e companianan local pa asina aki hunto eleva nos producto y e experiencia di cada bishitante.

TRECE NEGOSHI

Como cu turismo ta keda e pilar economico mas importante

di nos isla, nos mester trece e negoshi na nos comerciante y companianan, esaki ta exactamente lo cual e programa aki ta bay haci.

E programa aki ta solamente e comienso y base di programa cu ta crea oportunidad pa forma parti di otro plataforman cu ta traha specialmente pa brinda nos bishitante un experiencia unico den futuro. □

ORANJESTAD -- Minister di Turismo, Transporte y Labor Otmar Oduber conhuntamente cu Aruba Tourism Authority (ATA) a reuni diaranson cu ehecutivonan di Master Card Worldwide, pa asina aki formalisa e acuerdo unda Aruba lo ta e di cinco pais den Caribe cu lo forma parti di e plataforma ‘Master Cards Priceless Cities’. Esaki ta un programa cu ta diseña pa promove turismo por medio di oferta, beneficio y incentivonan cu ta lo contribui na reenforza e industria di turismo.

tin e honor pa wordo categorisa un di cinco islanan mas bunita den Caribe. Master Card kier brinda su clientela e oportunidad unico pa experiencia e paisnan di mas bunita rond mundo.

Pa Aruba esaki ta un otro logro importante, unda cu un compania grandi manera Master Card ta elogia e bon maneho di Minister di Turismo y ATA.

POSICION

Mirando e posicion di Aruba den e industria di turismo, unda cu Aruba su cifranan di crecemento ta hopi positivo y e hecho cu Aruba tin e porcentahe di mas halto den Caribe di ‘return visitors’ a

CINCO ISLANAN

Na 2011 Master Card a lansa e plataforma aki, unda Aruba



Fundacion na memoria di Sr. E.J.(Watty) Vos:

Riba su fecha di nacemento ta recorda Watty Vos cu 40 aña pasa a huramenta pa prome biaha como ministro y 30 aña cu a uni cu AVP



ORANJESTAD- Awe 16 di Augustus nos ta recorda e di 76 aña di e natalicio di Sr. Watty Vos d.f.m. Nos ta desea di recorda tambe cu 40 aña pasa Watty a huramenta pa prome biaha como ministro di husticia y vice premier di Antias Hulandes y 30 aña cu partido RUBA bou di su liderazgo a uni cu partido AVP

WATTY TA HURAMENTA COMO MINISTER DI HUSTI-

CIA

Dia 20 di December 1973 Watty, como miembro di partido MEP, a huramenta como ministro di husticia y vice premier di Antias Hulandes den gabinete Evertsz, cual funcion su persona a ocupa te cu 29 di december 1975. Durante e periodo aki hopi ta e asuntonan cu Watty como ministro di husticia a logra realisa, entre otro a lidera e delegacion Hulandes cu a negocia



cu Venezuela e limite di frontera maritimo entre Reino Hulandes y Venezuela. Despues di hopi contratempo, dia 16 di Augustus 1975, Watty a inaugura Scol di Polis na Aruba, como tambe contra tur expectativa a logra convence Hulanda pa amplia e cantidad di cupo pa inspector di polis pa Aruba na Academia Policial Apeldoorn. Esaki sin perhudica demas islanan di Antias Hulandes.

SOSTEN PA STATUS APARTE

Como segundo lider di MEP Watty a forma parti di e delegacion cu bou liderazgo di sr. Betico Croes a biaha pa entre otro Panama pa busca sosten pa Status Aparte. Cual a ocasiona cu e premier di e periodo ey, Sr. Juancho Evertsz dfm a kibra e acuerdo di gobernacion cu partido MEP. Sr. Evertsz na prome instante a manda un carta pa gobernador, Sr. Ben Leito, pidiendo pa retiro inmediato di e tres ministronan di MEP. Pero gobernador corectamente a inform'e cu ta parlamento ta e organo responsabel pa cu esaki. Sr. Frans Figaroa d.f.m., como presidente di parlamento di Antias Hulandes, a yama e reunion pa dia 29 di december 1975. Durante e reunion aki na lugha di tuma asiento na unda ta corresponde pa ministronan sinta, Watty a tuma asiento hunto cu fraccion di MEP.

Cu 14 voto na fabor y 0 en contra parlamento a aproba e mocion di desconfianza contra e 3 ministronan di MEP.

PARTIDO RUBA

Despues di a bandona partido MEP na 1976 pa principio y di a funda y lidera partido RUBA, na 1983 a uni cu partido AVP. Cual partido su lista Watty a cuminsa na number 3 y na 1993 a subi na number 2. Cu partido AVP Watty a bira e prome ministro di husticia di pais Aruba prome di januari 1986 te cu februari 1989. Den partido AVP Watty a hunga un rol importante pa cu e fase di crecimiento, credibilidad y estabilidad di partido. Hopi ta e camindanan cu Watty su sapatonan a cana, y ta pa e motibo aki tambe e sapatonan di Watty ta mas cu dificil, te hasta imposibel pa yena. Pero un cos si nos por haci ta di sigui den e pasonan di Watty, pa motibo cu ta solamente asina nos lo sabi di comprende e enseñansa y experiencia cu su persona a laga atras pa asina haci bon uzo di nan pa construccion pa un miho mañan. Por ultimo nos fundacion ta extende e invitacion pa un sacrificio di misa awe nochi, diabierna 16 di augustus 2013, pa 7or na Iglesia Catolico San Francisco na Playa.

□



E auto horta ta similar na e auto riba e potret.

Un biaha mas anti- socialnan ta horta auto

ORANJESTAD- Un biaha mas pueblo di Aruba ta bira victima di anti-socialnan cu no tin nada di haci y ta para horta auto pa cual nan no a traha pe y tampoco ta paga pe.

E biaha aki e anti- socialnan a bay cu un HYUNDAI GETZ 2007, color zilber, plachi number A-17989, motor diesel, cu glas getint. Riba dje tin sticker y bandera

di partido AVP.

E doño a bay polis pa entrega denuncia ayera den oranan di marduga na polis. Doño di auto ta pidi pueblo pa tira un vista riba caya, particularmente na garashinan ilegal c uta drecha tipo di autonan manera esaki.

Por yama 11141 pa duna tip of yama 100 mesora si a wak e auto aki. □

Treciendo Lotto mas cerca di su hendenan

Lotto a haya sintonia total durante su mega plus radio tour



ORANJESTAD -- Lotto, e loteria di Aruba, semper ta buscando e forma pa consenti su clientenan y alabes informan di diferente promocion y oferta unico pa nan bira un ganador sigur y feliz cu un di e nan weganan. Durante e oranan di mainta y atardi, Lotto y su team dinamico di promocion, a bishita varios stacion di radio, pa sigui informa tur hende tocante e tremendo adicion di e sorteo di Mini Mega, esta e Mega Plus.

E dia di e Mega Plus Radio Tour, a bay den un ambiente masha agradabel y asina a logra bishita e siguiente stacionnan di radio; canal 90 cerca locutor Victor, Magic cerca locutor Erin, Cool FM Morning Show, Power FM cerca locutor Ivan, Galactica cerca locutor Marco, Latina cerca locutor Andres, Win y e mascota Nemo y na radio Caliente cerca locutor Juan Carlos. Tur e radio oyentenan a haya un informacion amplio tocante e gran oportunidad cu Lotto su wega tan gusta y hunga, Mini Mega, ta brinda tur e hungadonan. Cu cada compra di 1 ticket di Mini Mega na balor di 5 florin, bo ta pone 2 florin mas y bo ta den wega



pa gana 100 mil florin extra riba e jackpot progresivo cu ta cuminsa na Awg. 250.000,-. Awe tin e balente jackpot di Mega Plus di Awg. 380.000,-. Sorteo ta 9pm na TeleAruba, Canal 13.

E radio oyentenan tabata hopi activo tambe durante e dia aki y na cada stacion di radio a duna chens p'e oyentenan participa y gana free ticket di Mega Plus pa e sorteo di e dia ey. Tin cu remarka cu e interes, bou di e oyentenan, pa gana e ticketnan di

Mega Plus tawata hopi halto na tur radio station. Tambe a haya informacion balioso di e Mega Plus. E sorteo di Mini Mega ta riba tur diamars y diabierna, pues percura pa abo tambe tin bo ticket di Mega Plus pa bo por bira e feliz ganador di 100 mil florin extra riba e jackpot. □ Ora bo gana un Mini Mega Free Ticket esaki tambe por wordo upgrad- ed pa un Mega Plus ticket cu 2 florin! Ta bon pa re-itera cu si dos persona gana e Mega Plus, e jackpot di Mega Plus

sona cu tin e ticket ganado di Mega Plus.

Lotto, e loteria di Aruba tin 8 diferente wega; Catochi, Big 4, Zodiac, Lotto di Dia, Lotto 5, Mini Mega, Wega di Number Korsou y Raspa y Gana. Cumprando Lotto bo ta contribui na deporte riba nos isla. Meta di e fundacion ta pa organisa loteria, cambia bida di su ganadonan y na mes momento inverti den deporte local pa medio di donacionnan na e comision di subsidio. □

ta wordo parti igualmente. E regla aki ta conta pa tur otro jackpot di Lotto tambe. Tambe ta bon pa menciona cu ora un persona tin e ticket ganado di Mini Mega y e otro persona tin e ticket ganado di e Mega Plus, pa e mesun sorteo, e Jackpot di Mini Mega ta wordo parti den dos, pues mita mita. E jackpot di Mega Plus, ta bai completo pa e per-





Pagina B2

Seleccion tin wega
gana y perdi



Pagina B3

Training di baseball
a cuminsa



Pagina B4

FEBIAR bola 8
awe nochi



Pagina B5

Delegacion di ping pong ta gana trofeonan durante Campeonato di Caribe

Georgetown, GUYANA - Na Georgetown, Guyana a tuma lugar e Campeonato di Caribe di ping pong di 10 pa 15 di Augustus di categoria bou 11 aña y bou 13 aña. Danki na Lotto pa Deporte traves di Comision di Subsidio Aruba a forma parti di e campeonato aki cu e siguiente delegacion: Remy de Lange (delegado), Ruddy Raga (coach), Emiliano Mathilda (chaperone), y e siguiente atletanan: Donald Yarzaray, Ethan de Lange, Jean Claude Hoek, Jeandry Mathilda, Robert Dirksen, Johnatan Paredes, Joshua Paredes, Sjoer Geurtsen y Mikayla Mathilda. E campeonato a cuminsa un poco slow pa e ekiponan masculino caminda nervio tabata domina y no ta logra yega

mucho leu. Pa loke ta Mikayla como e unico atleta femenino di Aruba, ta un storia diferente. Mirando cu Republica Dominicana tambe a bay cu un atleta femenino, nan a crea un team mixto di Aruba, Republica Dominicana y Guyana. Na final di e weganan, e team mixto aki a sali campeon. Pero lamentablemente regla ta bisa cu e team mester di mesun pais pues no a ricibi e trofeo di oro. E evento cu a sigui tabata dobel mixto caminda Aruba a wordo representa pa Johnatan y Mikayla, unda cu nan perde e prome wega contra Guyana. Despues di esaki e evento di dobel a tuma lugar. Aki e atletanan den ambos categoria ta logra subi podium. Pa e categoria bou 11 aña Sjoerd y Johnatan ta logra trofeo di

brons y den e categoria bou 13 aña Jean Claude y Jeandry tambe ta logra brons. Den e categoria femenino Mikayla un biaha mas ta team up cu Republica Dominicana caminda nan tambe ta logra gana. E dobel di Aruba y Republica Dominicana ta logra e trofeo di plata. Den e evento di individual 7 di e 9 atletanan ta clasifica pa e ronda di eliminacion, pero lamentablemente niun atleta di Aruba no a logra sigui. Den e relato tecnico por mira cu e muchanan a duna hopi bon bataya. Casi tur wega tabata hopi preta caminda algun a sali victorioso y otro no. Cu un seleccion di 9 atleta, y di cual 5 di nan ta haci debut riba tereno internacional, Aruba Table Tennis Association ta masha orguyoso di e resultadonan di e seleccion aki. E atletanan a muestra curason y perseverancia pero alabes falta di experiencia riba tereno internacional y nervio, ta pone cu nan no a logra duna tur loke nan tin. Aruba Table Tennis Association ta spera cu traves di CEMEDAR y Comision di Subsidio e seleccion aki por haya e sosten necesario pa por sigui bay dilanti. Alabes nan ta gradici e famia di e atletanan aki cu a duna un



sosten masha grandi durante henter e aña di preparacion pa e campeonato y tambe un envolvimento increibel y bunita. Na e coach principal y tambe na assistent trainer Junior Ras ATTA kier extende un pabien grandi pa e fruta di nan trabao diario cu e atletanan. Tambe

na Remy de Lange cu a haci un hopi bon trabao dirigiendo e delegacion y tambe mantiene Aruba na altura di e desaroyonan. Na Mr. Emiliano Mathilda tambe cu a compaña a delegacion, un danki grandi. Pa mas informacion por bishita nos facebook: Aruba Table Tennis. □



Weganan di MLB ta continua

Los Angeles Angels a gana New York Yankees

New York, MERCA — Chris Nelson ta dal su prome dos homerun di e temporada, inclui un grand slam riba


su team bieu, pa yuda Los Angeles Angels gana ayera cu e score di 8-4 contra New York Yankees. Josh Hamilton

y e nobato J.B. Shuck a dal hit, cu a hinca careda pa Angels den e serie di cuater wega. C.J. Wilson (13-6) a gana su di cinco wega consecutivo. E Dominicano Alfonso Soriano, cu a acumula cuater homerun y 13 careda produci den e dos anochinan anterior, a extende ayera cu un dobel cu a bay 5-4. New York Yankees ta logra anota tres careda den inning nueve. Sinembargo, esey no tabata suficiente y ta stroba nan gana nan di cuater wega consecutivo. Despues di bay cu e score di 5-2 den



un periodo di weganan na cas, New York Yankees ta biha pa Fenway Park e fin di siman, pa asina nan enfrente e lider Boston Red Sox. Nelson

ta dal un homerun solitario riba e pitcher Phil Hughes (4-12) pa pone e score 3-1 den inning cuater. Despues di dal su prome homerun den su careda contra Boone Logan den inning ocho cu a produci cinco careda. Pa Los Angeles Angels e Dominicano Erick Aybar a bay cu 5-1 y un careda anota. Mientras pa New York Yankees e Dominicanon Soriano a bay cu 5-4, un anotacion y un produci, Robinson Cano a bay cu 5-3, un anotacion y un careda pusha, Eduardo Nuñez a bay cu 5-2. □



Durante weganan di Clasico Panamericano

Seleccion di softball femenino tin un wega gana y dos perdi



Guaynabo, PUERTO RICO - E seleccion di softball femenino di Aruba cu a sali pa Guaynabo, Puerto Rico ta bataya fuerte den e grandinan. Den e di ocho edicion di e Clasico Panamericano di softball femenino teni na e ciudad di Guaynabo, Puerto Rico damanan ta luchando unda ya caba nan a hunga un total di tres partido. Den e prome wega Aruba a sa na gana Virgen Island cu e score di 8 - 6, mientras den e di dos partido Aruba ta cay venci cu e score di 13 - 1 contra di Argentina. Diaranson cosnan no a cana bon pa e seleccion, unda un total di 6 eror cometi ta pone cu Aruba a cay venci contra di Colombia cu e score di 6 - 2. E Colombi-



anonan a probecha bon di e eronan cometi pa e seleccion di Aruba. Remarcabel ta cu e seleccion di Aruba a haya refuerso di e hungado Jennifer Gottfried cu ta yiu di Michael Gottfried di Casa Haime. Actualmente Jennifer ta biba y studia na Merca, unda e ta practica e deporte di softball. Jennifer ta un tremendo pitcher segun comentarionan ricibi. E seleccion di Aruba tin algun wega mas pa hunga contra Cuba y Merca. E obhetivo di e torneo ta pa purba clasifica pa e mundial di softball otro aña na Hulanda, como tambe e weganan CAC y Panamericano. Un danki na Michael Gottfried pa e bunita potretnan.

Potretnan ta cortesía di Michael Gottfried.

Atleta Colombiano ta gana medaya oro den Mundial di Atletismo

Caterine Ibargüen ta bula un distancia di 14,85 meter



Moscu, RUSIA - Caterine Ibargüen a hiba un susto 24 ora prome cu el a haci historia. Na luga di train pa e final di bulamento tripel cu e Mundial di Atletismo, e Colom-

biano mester a keda den hotel despues di a sufri dolornan. Pero absolutamente nada lo a strob'e pa logra e victoria di ayera.

"Di berdad mi a bira hopi malo, mi tabata malo, pero mi mester a haci loke mi tin di haci," segun Ibargüen. E malestar a bay y e bulado a bay pa e titulo, unda cu e ta conquista e medaya di oro pa Colombia durante e campeonato mundial.

"Lo ta e prome medaya di hopi mas cu nos lo gana," Ibargüen ta declara durante su rueda di prensa cu a wordo stroba pa asina e por a atende e yamada di e presidente di Colombia Juan Manuel Santos. "Mi ta emociona, mi sa cu mi a haci historia pa mi pais."

Ibargüen a bay cu e medaya



di oro despues di a bula un distancia di 14,85 meter cu ta e miho di e temporada. Aki el a supera pa cuater centimeter e miho intento di e Ruso Ekaterina Koneva, cu a keda cu e medaya di plata. E Ucrainiana

Olha Saladuha a bay cu e medaya di brons bulando un distancia di 14,65 meter. "Esaki ta e recompensa cu mi sa mi lo a ricibi despues di hopi sacrificio," e Colombiano di 29 aña ta indica. □

Training di Red Machine Cai Cai Baseball School a inicia



Training di Red Machine Cai Cai Baseball School.



ORANJESTAD - Red Machine Cai Cai Baseball School bou guia di entrena- do Pierre Richardson ta cla pa bataya den e campeonato di baseball Liga Menor di ABBA cu lo inicia diasabra

24 di Augustus. E ekipo di Red Machine Cai Cai Baseball School categoria 7-8 aña tabata entrenan- do duro e momento ey. Red Machine CCBS ta participa den e categorianan 5-6, 7-8,

9-10, 13-14, 15-16 y 17-18. Tur mucha cu ta interesa di hunga baseball pa Red Machine Cai Cai Baseball School por contact Nashma Felix na e number 593-8668 pa mas informacion. □



Receta di **MAMA**

Bon Appetit!

• BON APPETIT • BON APPETIT • BON APPETIT • BON APPETIT •



Arroz cu Spareribs

Ingredientenan:

- 1 teenchi di knoflook
- 5 cuchara grandi di peterselie corta chiquito
- 1/3 cup di azeta dushi
- 1.½lb. di spareribs corta chiquito
- 1 cuchara grandi di manteca / margarina Blue Band
- 2 promenton berde corta na pida, ciboyo corta na pida
- 1.½ cup di aroz curu
- 3 cup di awa
- 2 bouillon blokjes di galiña
- 1/3 cup di biña Cavinor blanco



Preparacion:

Mezcla e teenchi knoflook hunto cu e peterselie den e azeta dushi y hunta e spersibsnan cu esaki. Laganan tempera pa 2 of 3 ora. Hasa e sparsibsnan den e manteca y agrega e promenton y e ciboyo. Despues pone e aroz tambe y laga esaki hasa un tiki. Agrega awa, bouillon blokjes y biña blanco. Laganan herbe, despues baha e candela y lage cushina te ora e aroz keda seco.

Pa 6 persona

Ta spera hungadonan di V.V. ARUSUR pa ta 7'or na stadion

Wega di futbol amistoso contra team di Corsou

ORANJESTAD - Pa medio di e comunicado aki V.V. ARUSUR kier recorda su hungadonan riba e wega amistoso contra un team di Corsou (50+). E wega lo wordo hunga awe anochi pa 7.30 den stadion Guillermo Trinidad na Dakota. Tur hungado ta wordo suplica pa yega 7.00 na stadion.

Clifford Rasmijn di Brazil Taekwondo Stichting a ricibi programa di training for di Russell Beneby

ORANJESTAD - E coach di Merca Russell Beneby a traha un plan di train pa Clifford Rasmijn di Brazil Taekwondo Stichting.

Clifford Rasmijn a sigui e programa di train di Russell Beneby durante full e siman. Russell Beneby a entrega e buki na Clifford Rasmijn den presencia di Marlon Petrocchi di Eumar Lock, Jervis Lowe, Grand Master Chaco Jose Cornelio y Alberto Klabér.

Den e plan di training Beneby a skirbi varios puntonan importante pa e atletanan cu ta chikito ainda. Beneby a menciona cu cada atleta ta diferente y lo mester traha cu cada uno ariba un manera diferente



cu e meta di gana oro pa pais Aruba. Clifford Rasmijn a sigui e training di Russell Beneby y un paar di aña atras el a asisti na un training na Mexico

y awor Clifford Rasmijn tin mas y miho experiencia. Brazil Taekwondo Stichting ta hopi orguyoso y contento cu e gesto di Russell Beneby cu ta kere den e atletanan di



Aruba. Un cos ta sigur, Brazil Taekwondo Stichting lo sigui cu e bon trabou pa e team di "Train Hard Fight Smart".

E meta y lema di Brazil

Taekwondo Stichting ta "mester keda bibo pasobra nos ta kere den nos training y ta p'esey Brazil Taekwondo Stichting ta sigui haci e maximo pa e atletanan." □

Torneo di billiard FEBIAR

Awe nochi di dos buelta di Old Parr 8 Ball Team & Jack Daniels APT Tour ta cuminsa



ORANJESTAD — Awe pa 7:30 di anochi ta cuminsa e di 2 buelta di e famoso 8 Ball Tour, unda cu un total di 6 team a pasa pa segunda buelta di cual 4 team lo bay hunga e final e aña aki.

Team nan cu a pasa ta: Classic, Steelers, Barracuda, Toshiba, Predators y Maddogs.

Wega nan pe weekend aki ta: Barracuda contra Dragons, Steelers contra Toshiba y Predators contra Maddogs. Tur team ta pidi nan fanaticada pa yega Classic, pa asina apoya nan team faborito.

Tambe e diadomingo aki pa 1'or di merdia lo tin APT #8 faltando solamente 5 stop mas

despues di esey, pa cash un di e premio nan mas grandi den billiard su historia e aña aki. FEBIAR kier a manda



un exito grandi pa Angelo Tromp, Gunnar Leonardo y Richard Wolff cu ta saliendo otro siman rumbo pa Argentina pa hunga Panamericano y asina purba di clasifica pa mundial otro



aña. Actual number #1 Gunnar Leonardo lo tin basta presion pa tene Richard Wolff, Rensley Tromp, Ryan Rampersaud, Jorge Petrocchi

cu ta solamente 45 punto su tras. Asina ta e fin di siman aki ta den Classic bo mester ta pa apoya bo team of bo hungado di APT. □





Gana un crucero
pa dos cu Flora

Pagina B7



Na caminda
pa 35 aña

Pagina B10



Awe den nos
seccion di
Cumpleaños

Pagina B16



Pagina B9



FLORA
Home and Garden Decorations

AUGUST SUPER SPECIALS



Get Aboard

Get a chance to win a cruise for 2!

Fresh roses
Different colors
14.95 | excl. pot
NOW Afl. 9.95

Butterflies
decoration
Metal | 29.95
NOW Afl. 19.95

AVENIDA MILIO CROES 101

E: INFO@FLORA.AW

T: (+297) 583-6468

How to participate?
With every purchase of Afl. 25,-
you will receive a cruise code.
Check-in and WIN at:
www.flora.aw

SUNDAYS OPEN
10am - 2pm

CAMPAIGN IS VALID FROM JULY 1 - SEPTEMBER 30, 2013 | OFFERS VALID WHILE STOCK LASTS.



Gana un crucero pa 2 persona cu Flora Market

ORANJESTAD- Dia 1 di Juli 2013 e tremendo summer campaign "Get Aboard" di Flora a cuminsa.

E campaña aki tin un acogida enorme. Despues di a anuncia e prome ganado di un crucero pa 2 persona siman pasa, Flora ta continua cu su summer campaign cu 2 premio mas di un crucero pa 2 persona.

E campaña grandi aki ta con-

tinua te cu dia 30 di september 2013 den cooperacion cu Maduro Travel.

Cu cada compra di solamente Afl. 25,- na Flora automaticamente bo ta haya e chens di gana un gift certificate na bator di Afl. 50,- of un crucero pa 2 persona.


Tur locual bo mester pa bo cas of hardin ta obtenibel na

Flora. Flora ta habri di dialuna pa diasabra di 9'or di mainta pa 6'or di atardi y tur diadomingo di 10'or di mainta pa 2'or di merdia. Probecha di e oportunidad unico aki y pasa awe mes na Flora.

Abo por ta e siguiente ganado di un crucero pa 2 persona! Pa mas informacion bishita: www.flora.aw. □

Colegio Laura Wernet Paskel cu evento pa crea fondo pa un Biblioteca Escolar

'Un anochi di gala cu cena y baile'



ORANJESTAD - Diasabra 7 di September 2013 pa 7.00 p.m. te 2.00 a.m., lo tuma luga e grandioso evento pa crea fondo 'Un Anochi Di Gala Cu Cena y Baile' den e grandioso Renaissance Convention Center.

Den 'E Anochi di Gala cu Cena y Baile' bo lo bay disfruta di un Cocktail, un cena fabuloso acompaña pa e famoso violinista Ricky Kock. E anochi ta sigui den tono bailabel den man di e bandanan 'Robert Jeand'or y su Solo Banda Show' y 'D'Licious Band'. Den oranan di marduga lo bay tin un sorpresa pa tur e invitadonan hunto cu WHY NOT Band. Tambe lo reparti varios premio pa haci e anochi uno excitante.

Yuda nos pa nos por yega nos meta pa un biblioteca escolar. Ticket nan ta na bator di 150Florin pa persona y ta obtenibel na Colegio Laura Wernet Paskel y Djiespi Place den caya grandi. Pa cualkier informacion tuma contacto cu Sra. Sharine Geerman na 5934249; pa compra di ticket por yama Sra. Joella Lampe na 7323868; Si ta desea pa nos entrega ticket, por tuma contacto cu scol na 5858089 of por yama na 7310608 (Ichelle Yanez), 7392011 (Eta Figaroa), 7394444 (Stella de Windt). □

"Sparc Imagination Aruba" hunto cu Sams tambe ta participa na SETAR Gaming Event 2013

ORANJESTAD - "Sparc Imagination Aruba", ta un iniciativa educativo pa promove y asisti studiantenan cu nan creatividad y imaginacion. Teniendo cuenta cu innovacion y progreso tecnologico Sparc ta kere den duna studiantenan aki na Aruba e oportunidad despues di scol pa forma parti di un grupo (of Club) unico caminda nan por siña y bira mas activo den Educacion STEM (Ciencia, Tecnologia, Ingenieria y Matematica).

Sparc Aruba hunto cu Sams lo forma parti e aña aki di SETAR Gaming Event 2013 cu lo tuma lugar e weekend aki dia 17 y 18 di Augustus na Renaissance Convention Center.

Nan lo tin demostracion di kico Sparc Imagination ta y cu aki na Aruba mes es nan interesa por haya e experiencia den area di por ehempel Computer Programming, Video Game Design, Software Design, Visual Media & Design.

Sparc Robotics Challenge Den e challenge aki Sparc su pioneronan cu a participa den nan workshops di Programming y Robotics lo demonstra nan habilidad y completa retonan y obstaculo haciendo



uzo di un plataforma "Rover". Nan lo tin un Mobile Robotics Arena similar na locual Nasa ta uza den Lab pa test Rovers y Robotics. Esaki lo duna un bista kico bo por logra haciendo research den Navigation y Localization.

Registracion lo habri e prome dia di SETAR Gaming Event pa tur hende tin oportunidad pa participa den e PC LAN & Tablet games. Lo tin weganan manera:

- Command & Conquer Generals Zero Hour LAN edition
 - Star Wars Battle Front 2
 - Red Faction
 - HALO CE Special Edition
 - Track Mania Racing
- Sparcs Aruba lo tin un sec-

cion special caminda lo setup un competencia di Android Tablet Gaming caminda lo presenta iSwag su tablet nobo y tin cantidad di wega programa pa competencia.


SETAR kier invita Aruba henter cu tin interes pa sa un tiki mas di e mundo di Gaming pa pasa bishita e Evento SETAR GAMING EVENT 2013 otro siman diasabra y diadomingo diana 17 y 18 di Augustus na Renaissance Convention Center 2013. Cuminsando for di 10'or di mainta.

Entrada ta GRATIS. Bin pasa un rato agradabel cu bo famia y gana premio hungando diferente wega. □

Aruba, Wine, Food & Art Festival VIII dianan 12 y 13 di september proximo



lo ricibi un “Mystery Basket” di 4 producto undu cu nan lo mester traha un appetizer, main course y desert. Pa e publico mes e anochi ta consisti di un 3-course dinner. Cada course lo tin 4 diferente biña. Diabierna dia 13 di September 2013 lo tin e competencia popular di Student Chef, e exhibicion di arte y festival di biña. Portanan ta habri pa 7’or di anochi y e publico lo por disfruta di e creacionnan di cuminda. Durante e evento e publico por admira e dife-




ORANJESTAD – Dianan 12 y 13 di September, 2013 lo tuma luga e Aruba Wine, Food & Art Festival anual, cu lo tuma luga den Westin Resort. Riba diahuebs dia 12 di September 2013 pa promebiaha lo tin e competencia di Iron Chef y Iron Sommelier. Esaki lo ta entre e famoso kokinan di Aruba. Algun di e kokinan cu ta participa ta Scott Scheurman di Aqua Grill, Urvin Croes di White Modern Cuisine y Erwin Husken di Screaming Eagle. E chefnan



rente cuadra y esculturanan di artistanan local. 10% di e ganashi di e artenan lo wordo duna na un instancia caritativo. E partnernan pa e evento aki ta Aruba Trading, Pepia Est., Romar Trading y Tropical Bottling. Ticketnan ta \$45 obtenibel na e conciërge desk di The Westin Hotel. Aruba ta keda invita pa disfruta di dos anochi fenomenal cu cushinamento dilanti bo wowo, purbando cumindanan suculento y saboriando biñanan excelente. □



Electric Suite di Renaissance Aruba Resort & Casino



ORANJESTAD – Renaissance Aruba Resort & Casino ta ofrece amantenan di musica ‘electrico’ e oportunidad di experiencia e Electric Festival cu e lansamento oficial di e “ELECTRIC SUITE by CHUCKIE” den e hotel exclusivo pa adulto Marina Hotel. E suite lo figura tanto e aspectonan renoba di e hotel como atributonan di Chuckie cu a keda incorpora den e camber. E transformacion di e DJ Chuckie suite a tuma luga, diaranson 14 di augustus ultimo y por a mira esaki live riba e Facebook di Renaissance Aruba.

ELECTRIC FESTIVAL
Renaissance Aruba Resort & Casino ta preparando pa e Electric Festival cu lo tuma luga diana 6, 7 y 8 di September, 2013 na Nikky Beach. E Electric Festival cu lo tin artistanan grandi manera Chuckie, Hardwell, Slash, Nero, Nicole Moudaber, Boris y Mastiksoul, ta programa pa ta e evento di mas grandi den Caribe. E festival aki ta wordo organisa conhuntamente cu Aruba Tourism Authority, Amsterdam Dance Event, Evenpro y GM Affairs Caribbean.

PAKETE GET ELECTRIC
Amantenan di musica cu ta atende e prome reunion electronico na Aruba, lo por keda den e suite ultra exclusivo cu e pakete Get Electric. E huesped kende book a pakete lo wordo personalmente atende

di pa DJ Chuckie y tambe lo ricibi:
* Dos entrada VIP pa e tres dianan di concierto.
* Entrada pa dos pa un DJ Bash riba Renaissance Island.



* Dos ticket pa un VIP dinner riba beach cu Chuckie como anfitrión cu tur e artistanan cu lo atende na e festival.
* Acceso pa dos na RLife Live artist lounge na Nikky Beach durante e festival.
* \$100 cocktail credit pa persona.

* Un boter di champagne na yegada.
* Desayuno pa dos diario. E pakete ta basa riba ocupacion dobel y ta disponibel pa estadia diana 3 pa dia 11 di September, cu un minimo di 4 anochi, cuminsando na \$629 pa anochi. □



Chispa di historia

DCA yegando 35 aña di servicio cultural



ORANJESTAD - Como Instituto di Cultura Aruba (ICA) e tempo aya, despues cu na aña 1980 Sr. Hubert "Lio" Booi a retira pa bay disfruta di su pensioen, Sr. August (Juchi) Croes a keda encarga cu departamento di cultura como Hefe Interino. Den un tempo di dos aña a continua cu e trabounan cultural. Tabata riba dia prome di maart 1982 cu Sr. Leo Tromp a keda nombra como e di dos Hefe di Instituto di Cultura Aruba.

Na momento cu a nombra Sr. Tromp e tabata traha na Departamento di Enseñansa. Un total di binticinco persona tabata forma parti di personal di ICA na aña 1982. Nan tabata parti den diescuater persona cu tabata traha na ICA mes, tres na Museo Historico, tres na Museo Numismatico, y cinco na Museo Arkeologico. Mientras for di e diescuater persona tambe tabatin dos persona na disposicion di Scol di Musica y

un persona cu tabata studiando den exterior. E miembro di personal na nivel superior tabata consisti di solamente cuater persona.

Na 1982, ICA tabata organisa actividad cultural escolar y social, tambe tabata promove folklore, artesanía, pintura, musica, canto y uzo di Papiamentu.

ICA tabata tin tambe programa educativo na radio y television. Asina tabata trece e cultura cerca e pueblo. E meta di ICA prome cu Status Aparte tabata pa comunidad Arubano bira consciente di e existencia di Instituto di Cultura Aruba y cu dicho departamento ta e instancia gubernamental cu ta encarga cu conservacion, mantencion y promocion di e cultura Arubano den e sentido di mas amplio di e palabra.

Cultura ta un fundeshi di



henter un nacion. E ta importante den e desaroyo di nos hendenan, den nos bida y forma di biba. Pa medio di educacion nos lo por realiza cambio, pasobra asina lo prepara e recursonan humano di cualkier pais den bira un agente cultural activo di e desaroyo di nos sociedad y lo haci un diferencia for di e diferente skina cu cultura ta duna nos. Tur esaki Departamento di Cultura Aruba tin di consci-

entisa e comunidad Arubano, mirando cu tin un desaroyo cultural cu ta cambia continuamente, sin tin mester di perde e propio identidad cultural.

Door di conscientisa e comunidad y hunto cu e comunidad y instancianan cultural educativo yuda pa di un forma mas structural duna nos comunidad Arubano un miho servicio na bienestar di e desaroyo cultural aki na Aruba. □

Bishitantenan fiel honra pa Aruba Tourism Authority

ORANJESTAD – Recientemente Aruba Tourism Authority tabata tin e placer di a hon-

ra un grupo di bishitantenan fiel di Aruba na La Cabana Beach Resort, como Emba-

hadornan di Bon Boluntad. E titulo simbolico aki ta wordo presenta den nomber di Minister di Turismo como muestra di aprecio na huespednan kendenan ta bishita Aruba pa mas di 20 aña.

E honradonan tabata Sra. Kathleen Luther y su yiu homber Kameron Luther for di Cumberland, Rhode Island, Sr. Walter Yourawski, kende a ricibi e certificado pa su famia, su casa Cerie y yiunan Julian Robert y Caroline, for di Peabody, Massachusetts. E honradonan ta miembronan fiel di La Cabana Beach Resort y nan stima Aruba masha hopi mes pa motibo di su hendenan amabel, e clima,



beachnan, restaurantnan y nan gusta reuni cu nan amigonan di semper na e hotel. E certificado a wordo presenta pa



Sr. Ernest Giel, kende a representa ATA hunto cu Sra. Rina Geerman, representando La Cabana Beach Resort. □





“ Señor ta mi wardador, mi n’ tin falta di nada;
Den cunucu di yerba berde, E ta ponemi sosega.
E ta hibami na awa tranquil, pa mi bolbe haña
forsa. ”

Salmo

23:1,2,3

Cu inmenso tristeza na nos curazon, pero agra-
decido pa locual ela haci y nifica pa nos, nos ta
participa fayecimento inesperadamente di:



Sr. Ismael D. Luidens
Mihor conoci como “Esy”

Akto di entierro lo wordo anuncia despues

Adres pa condolencia: The Olive Tree Funeral
Home na Cumana

Diasabra 17 di Augustus

Bernhardstraat 134-136 - San Nicolas - Tel 584 8888
Avenida E.J. “Watty” Vos 44 - Oranjestad - Tel 5820000
theolivetreefuneralhome@gmail.com
www.theolivetreefuneralhome.com



Ban uni pa venera y celebra nos Dushi Niño Hesus.
Nos y henter Aruba mester di hopi oracion, awor
mas cu nunca. A la vez nos lo combina nos nobena
cu apertura di aña escolar nobo. Ta pesey nos kier
a invita henter nos comunidad, grandi y chikito, tur
fielnan pa ban uni pa resa pa un y tur en especial
nos muchanan y nos hobennan.

Novena, sigui pa Santo Sacrificio di Misa, lo tuma
lugar tur dia den Misa Inmaculata Concepcion na
Santa Cruz.

Diabierna, 16 di augustus 2013 pa 6.15 di atardi
Diasabra, 17 di augustus 2013 pa 6.15 di atardi
Diadomingo, 18 di augustus 2013 pa 8.15 di mainta
Dialuna, 19 di augustus 2013 pa 5.45 di atardi
Diamars, 20 di augustus 2013 pa 6.15 di atardi
Diaranson, 21 di augustus 2013 pa 6.15 di atardi
Diahuebs, 22 di augustus 2013 pa 6.15 di atardi
Diabierna, 23 di augustus 2013 pa 6.15 di atardi
Diasabra, 24 di augustus 2013 pa 6.15 di atardi.

Diadomingo, 25 di augustus 2013 nos lo celebra
Fiesta di Niño Hesus di Praga y nos lo hasi esaki
cu un procession cu lo sali pa 8.30 a.m. for di den
misa. Sigui pa un Santo Sacrificio di Misa pa 9.00
di mainta.

Comision Novena y Fiesta Niño Hesus di Praga



“Señor ta mi wardador, mi n’ tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forza”.
Salmo: 23

Cu inmenso tristeza pero conforme cu boluntad di Dios
y alavez agradecido pa tur locual e la significa pa nos,
nos ta anuncia fayecimento cristianamente di nos tata,
welo, ruman y omo stima:



Laurence Ethelwoldo Weert
Mihor conoci como: “Watty of Vaderland”
*01-08-1942 †13-08-2013

Na number di su:

Yiunan: Loduwika Lorena Weert y yiunan
Robinson Weert y Kathleen

Croes y famia

Nieta/onan: Laurianne Dabian
Laury-Jane Dabian y Kevin Tromp
Yalice Dabian
Robison Weert

Manera nieto: Gilward y Gillyanne Croes

Manera sobрино: Edgar Angela

Mama di su yiunan: Susana Babijn y Miguel Vrolijk

Rumannan: †Ezquiela Wefer y famia
Norma Weert y famia
†Telma Weert y famia
Arturo Levenston, Joyce y famia

Ex-suegra: Anita Babijn-Epieyu

Ex swa y cuñanan: †Ramon Babijn
Rosa y Nico Angela y famia
Ana y Frido Kelly y famia
Diana Babijn y Marcelino Wernet y
famia

Amigo/anan di cas: Marcelo Werleman, Pedro Lopez,
Poly Thiel, Ricardo Werleman
Martha Winterdaal, Tasha Bislip, Mercedes Thiel

Sobрино y sobrinanan, primo y primanan na Aruba, cor-
sow y Hulanda, tur bisiña, amigo y conocirnan, Ety
Toppenberg y famia

Ex- coleganan di trabow Ortiz Gonzalez, Basiruti Club,
Condado Aruba Caribbean Hotel, Koraal Strand Hotel,
Holiday Inn Hotel, Tamarijn Beach Hotel, Windham
(Westin) Aruba Hotel y Hyatt Hotel

Demas famia: Weert, Babijn, Angela, Dabian, Paesch,
Wernet, Epieyu, Kelly, Croes, Tromp, Wefer, Bolah,
Ras, Levenston, Toppenberg

E acto di entierro lo tuma lugar diasabra 17 di augustus
2013 na misa Inmaculada Concepcion na Sta. Cruz pa
4’or di atardi, despues ta sali pa Santana catolico na
Sta. Cruz. E restonan mortal lo ta reposa for di 2’or di
merdia den misa.

Adres pa condolencia: Aurora Funeral Home, diabierna
16 di augustus 2013 di 7’or pa 9’or di anochi.

Enbes di flor of krans un donacion pa un Bon Causa lo
ta altamente aprecia.

Nos disculpa si den nos tristeza nos por a lubida un of
otro famia.

Despues di entierro nos no ta ricibi bishita di condolen-



!Oh Misericordioso Jesus!
Tu bondades infinita y los tesoros de tu gracia
inagotables
Yo confio eternamente en tu misericordia



Margarita V. Ccenta
*13-05-1969 †13-08-2013

Na number di su:

Mama: Victoria Rojas y demas ruman y famia
(Peru)

Yiunan: Luigi, Geoffrey, Harrison

Rumannan y swa:

Ana Ccenta
Jorge Ccenta
Jorge M.
Lucas G.

Sobrinonan: Katy, Jorge, Alexander, Jackelina

Fundacion Stichting Edmund Harms

Dr. Alex Schwengle

Sra. Ika y demas presonanan cu a colabora den
momentonan dificil.

Acto di entierro ta tuma lugar diabierna 16 di au-
gustus 2013 na Aurora Funeral Home di 9’or pa
11’or di mainta, despues ta sali pa Santana cen-
tral na Sabana Basora.

Adres pa condolencia: Aurora Funeral Home,
Diahuebs 15 augustus 2013 di 7’or pa 9’or di
anochi.

Oración De San Francisco De Asís

Señor hazme un instrumento de tu paz,
Donde haya odio siempre yo tñ amor;
Donde haya injuria perdón;
Donde haya duda fe;
Donde haya desesperación esperanza;
Donde haya oscuridad déjame traer luz
y Donde haya tristeza alegría.

Oh divino Maestro, concédeme que no busque
Ser consolado sino consolar;
Ser comprendido sino comprender;
Ser amado sino amar.

Es dando que recibimos;
Es perdonando que somos perdonados;
y Es muriendo que nacemos a la vida eterna.


Amén



Trekkingslijst van de Landsloterij

16de Trekking															15 Augustus 2013														
EEN HIDDEN															EEN EN														
1 150															1 150														
1914 150															1914 150														
1928 125															1928 125														
1975 150															1975 150														
1992 150															1992 150														
1996 100															1996 100														
19 150															19 150														
28 125															28 125														
30 150															30 150														
46 150															46 150														
90 150															90 150														
96 200															96 200														
2021 150															2021 150														
2028 125															2028 125														
2042 150															2042 150														
2052 150															2052 150														
101 150															101 150														
128 125															128 125														
196 100															196 100														
197 150															197 150														
201 150															201 150														
211 150															211 150														
228 125															228 125														
259 150															259 150														
274 150															274 150														
296 100															296 100														
301 400															301 400														
328 125															328 125														
328 150															328 150														
383 1000															383 1000														
396 100															396 100														
401 150															401 150														
418 150															418 150														
428 125															428 125														
450 150															450 150														
452 150															452 150														
480 150															480 150														
482 150															482 150														
496 100															496 100														
499 150															499 150														
513 150															513 150														
517 150															517 150														
528 300															528 300														
578 150															578 150														
596 100															596 100														
597 150															597 150														
601 150															601 150														
616 150															616 150														
628 125															628 125														
641 150															641 150														
652 150															652 150														
696 100															696 100														
723 150															723 150														
725 150															725 150														
728 125															728 125														
738 150															738 150														
758 150															758 150														
766 150															766 150														
796 100															796 100														
801 150															801 150														
868 150															868 150														
870 150															870 150														
896 100															896 100														
899 150															899 150														
928 125															928 125														
931 150															931 150														
953 150															953 150														
956 150															956 150														
982 150															982 150														
996 100															996 100														
1001 150															1001 150														
1028 125															1028 125														
1075 150															1075 150														
1096 200															1096 200														
1098 150															1098 150														
1101 150															1101 150														
1123 150															1123 150														
1128 125															1128 125														
1196 100															1196 100														
1197 150															1197 150														
1208 125															1208 125														
1223 150															1223 150														
1257 150															1257 150														
1258 150															1258 150														
1296 100															1296 100														
1301 400															1301 400														
1328 125															1328 125														
1345 150															1345 150														
1350 100															1350 100														
1364 150															1364 150														
1396 100															1396 100														
1401 150															1401 150														
1428 125															1428 125														
1436 150															1436 150														
1472 150															1472 150														
1475 150															1475 150														
1484 150															1484 150														
1494 150															1494 150														
1496 100															1496 100														
1501 150															1501 150														
1502 150															1502 150														
1505 150															1505 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 150														
1528 150															1528 1														


Mutts



6 Chix



Blondie



Mother Goose & Grimm



Baby Blues



Zits



Conceptis Sudoku

				1	5		6	
					4	1		8
			7				3	
		9					7	2
6				2				4
8	7					5		
	5				2			
4		1	8					
	9		1	3				

Difficulty Level ★★★★★ 8/16


Sudoku is a number-placing puzzle based on a 9x9 grid with several given numbers. The object is to place the numbers 1 to 9 in the empty squares so that each row, each column and each 3x3 box contains the same number only once. The difficulty level of the Conceptis Sudoku increases from Monday to Sunday.

Yesterday's puzzle answer

5	7	2	1	4	8	3	9	6
1	8	9	3	5	6	4	2	7
4	3	6	2	7	9	5	1	8
6	9	5	8	3	1	7	4	2
2	4	7	9	6	5	8	3	1
8	1	3	7	2	4	6	5	9
7	2	1	4	8	3	9	6	5
3	5	8	6	9	2	1	7	4
9	6	4	5	1	7	2	8	3

ACROSS

- 1 off; disregard
- 6 Title for former Iranian rulers
- 10 Journey
- 14 Sierra; African nation
- 15 Bull, in Spain
- 16 Got up
- 17 Refueling ship
- 18 Actress Chase
- 19 Qualified
- 20 Start of the U.S. Constitution
- 22 Bandleader; Cugat
- 24 Paul, before his conversion
- 25 Feels bitter about
- 26 Voice box
- 29 Elephant teeth
- 30 Tavern order
- 31 Song of an Alpine goatherd
- 33 Punctures
- 37 Cubs or Bears
- 39 Despondent
- 41 Christmas
- 42 One living abroad
- 44 Money hoarder
- 46 Religious sister
- 47 Remained optimistic
- 49 Liquefied
- 51 Toiled
- 54 Actress Russo
- 55 Bigger
- 56 Snail's feeler
- 60 Zone
- 61 Rue or Gilbert
- 63 "Come ___?"; words of those who missed it
- 64 ___ and groan; complain
- 65 Skunk's defense
- 66 Tempted
- 67 Actor Griffith
- 68 Gives a silent assent
- 69 Grains planted



Created by Jacqueline E. Mathews 8/16/13

Thursday's Puzzle Solved

RENO	SALSA	SPIT
USED	TRAIL	EASE
SPED	REITERATES	
END	LIAR	ASHES
	LEAKS	ADO
STEPPE	SWINGS	
OASIS	IGLOO	RYE
DISC	STEEL	SARA
ALL	STEED	FEMUR
	SYSTEM	TRAMPS
	MOM	AROMA
AGAIN	SNAG	RUM
CORRESPOND	FIRE	
ERIK	AERIE	RAGS
SEAS	DATES	ONES

(c) 2013 Tribune Content Agency, LLC All Rights Reserved.

- 40 Nation in the Middle East
- 43 Ripped
- 45 Tenants' homes
- 48 Human being
- 50 NFL or NHL
- 51 Peruvian pack animal
- 52 Burr or Spelling
- 53 Sandwich requirement
- 54 Raises, as kids
- 56 Trampled
- 57 Give a hoot
- 58 Fibbed
- 59 Stops
- 62 Hustle & bustle

DOWN

- 1 Dinner in a sty

DOCTER NA WARD



Oranjestad
Dr. Mungra

EMERGENCIA 911



POLIS	100
POLIS	581-1100
ORANJESTAD	582-4000
NOORD	587-0009
STA. CRUZ	585-4710
SAVANETA	584-7000
SAN NICOLAS	584-5000
BRANDWEER	115
BRANDWEER	582-1108
POLIS TIPLINE	11141
HOSPITAL	527-4000
AMBULANCE	582-1234
SAN NICOLAS	
AMBULANCE	584-5050

BOTICA

O'STAD: Eagle Tel. 587-9011
S. NICOLAS: San Nicolas Tel: 584-5712

SERVICES

INFORMATION	118
SETAR	582-2116
TAXI	582-5900
TAXI-TAS	587-5900
PROF. TAXI	588-0035
TAXI D.T.S.	587-2300
SERVICE ARUBA	583-3232

CRUISESHIP

Aug.19
Monarch

MORTUARIO

AD Patres	584-2299
Aurora	588-6699
Mementomori	583-3358
The Olive Tree	584-8888

FOUNDATION FELLOWSHIP CLINIC

Tel: 584-6440
Alcoholism & Drug Addiction,
Anonymity guaranteed

FUNDACION

Anti-Droga
Aruba

(FADA) Tel: 583-2999

FUNDACION

Respetami

Tel: 582-4433

Diabetic Foundation

Arubano

Tel: 583-3808

Narcotics Anonymous

Tel: 583-8989

Foundation Amor

pa Prohimo

Tel: 583-3345 /586-6976

Women in Difficulties

Foundation

Tel: 583-5400



Bo cadena
di numbernan
di suerte ta duna
e number di awe

Sorteo di 15 Augustus 2013



03 20 22
31 33 19 E
Joker Letter



4 8 7 0

Signo: Capricornio



1 9 9 9



0 6 3 4

6 8 4 7

6 1 2 7



08 12 25 26
29



09 14 21 28

Mega Ball
13



8 0 7 9

3 1 6 3

4 7 9 7

DIARIO

6 5 0 8

0 4 9 2

6 3 4 6

SUPER

4

9 0 3 1



20 44 46 48
52 53 X3

Jackpot \$ 51MILLION

Sorteo di 9 Juli 2013




11 20 30 34

38 12 X3

Jackpot \$ 36 MILLION

Meteo Aruba:

Ta anticipa aumento temporal di nubia cu algo di awasero



ORANJESTAD – Situacion general di tempo ta indica cu durante e proximo 24 ora no ta anticipa cambionan significativo den e condicion di tempo actual. Durante oranan di mainta ta anticipa un aumento temporal di nubia den nos region cu chens pa algo di awasero pasahero.

CONDICION DI LAMA
Modera cu altura di olanan entre 1 y 2 meter. E olanan di mas halto lo ta riba lama na noord.

TEMPO PA AWE MAINTA
Shelo lo ta parcialmente nubla. Temperatura maximo: 33°. Indice di calor lo ta te 37°. Indice ultravioleta: 10. Biento ta for di direccion oost alrededor di 14 nudo, cu rafaga te 24 nudo.

TEMPO PA AWE NOCHI
Shelo lo ta parcialmente nubla. Temperatura minimo: 27°. Biento ta for di direccion oost alrededor di 12 nudo, cu rafaga te 22 nudo.

Salida di solo lo ta 6'or y 24 di mainta y bahada di solo lo ta 6'or y 55 di atardi. ☐



Aries

Felicidad ta wordo conquista dia pa dia, no lubida. No larga bo tempo den discusionnan steriel cu hendenan conflictivo cu lo unico cu nan ta haci ta perde bo tempo. Number: 26, 31, 40 y 44.



Tauro

No duna entrada di duda den bo curason. Tene cuidao na ora di husga cierto personanan cu por ponebo den un posicion delicada caminda por compromete bo bida amoroso. Number: 8, 13, 21 y 38.



Geminis

Lo bo supera e situacionnan cu ta inkietabo. Ta posibel cu situacionnan cu no ta esunnan di mas miho por pasa, pero na e mesun momento, tin otronan ta alegrabo. Number: 3, 14, 22 y 38.



Cancer

Lo bo disfruta di un compania sentimental inespera. Awe lo bo explora tur e posibilidadnan y no laga bo mes maneha. Afortunadamente, bo sentido comun ta hopi skerpi. Number: 6, 15, 19 y 33.



Leo

Bo ta hopi vital y alegre. Durante e ciclo aki, bo sentido di humor ta hopi abrumador. Lo bo sa con pa hari di cosnan chikito y concentra miho den aspectonan positivo. Number: 9, 13, 21 y 28.



Virgo

Lo bo soluciona algo cu tabata parece imposible. Lo bo ricibi estimulo di tur tipo, particularmente un regalo hopi emotivo di un hende cu lo impactabo sentimentalmente. Number: 17, 23, 31 y 39.



Libra

Canalisa bo energia den tur bo asuntonan personal. E dianan aki lo bo siña hopi di bo experiencianan pasa. Cualquier dificultad cu surgi por wordo soluciona di forma efectivo. Number: 27, 31, 43 y 45.



Scorpio

Lo bo tin cu tuma partido pa un cos of otro. E arcoiris di probabilidadnan cu bo tin dilanti dibo ta hopi varia y den bo mannan bo por aplica tur bo inteligencia pa haya bon opcion. Number: 14, 23, 33 y 51.



Sagittario

Luna ta den bo signo. Play kens cu cierto cosnan. No delanta door di priminti loke bo sa cu ta dificil pa cumpli ya cu si solamente ta wordo guia pa bo emocionnan bo ta haciendo un fout. Number: 18, 23, 30 y 37.



Capricornio

Sigui fielmente bo intuicion y sentimentonan. Durante e ciclo aki, sigui bo soñonan ya cu ta e miho manera pa contraresta cualquier influencia negativo. Number: 11, 19, 27 y 33.



Aquario

Bo bida social lo mantenebo hopi ocupa. Lo bo ripara di e importancia di no preocupa bo mes exageradamente pa cosnan cu bo no por resolve. Yuda otro y descuida bo mes. Number: 14, 21, 32 y 38.



Pisces

Esaki lo bay ta un anochi cu semper lo bo corda. Tin algun aspecto den bo horoscopo cu bo mester sa pa bo no haci foutnan evitabel. Bo mester tene cuidao unda bo ta pone bo firma. Number: 22, 30, 38 y 43.

NOS TEY ATROBE CU NOS PAGINA DI CLASIFICADO GRATIS

CLASIFICADO ECONOMICO



PERSONAL GRATIS MAX 20 PALABRA - TA ACEPTA AVISO FOR DI 9:00AM - 4:00PM

PASA LAGA BO AVISO NA OFICINA DI BON DIA ARUBA WESTSTRAAT #22

TA BENDE

Chevrolet Avalanche 2002, automatic, color blanco y color preto paden, kibra dilanti y na banda of tambe ta bende piesa. Pa mas informacion
Tel: 594-9990

SERVICIO PUBLICO

Ta duna les di Manicure y deicure esun cu ta interesa yama
Tel: 592-4885

TA BENDE

Matanan di frutas, machine di carpinte bon prijs. Pa mas infor.
Tel: 594-9069

TA BENDE

Quadraiser MXV 300 unico doño, perfecto condicion. Pa mas info.
Tel: 594-9069

TA BENDE

Un cylindergaskit "4" pa motor Daewoo Mano '03 Afl. 500,- nobo.
Tel: 593-6899

TA BENDE

Computerbox pa B15x 2006 a.t.
Tel: 588-3133 /594-5025

TA BUSCA

Un persona cu por duna bijles di Natuurkunde na un V5 leerling. Pa mas informacion please yama.
Tel: 593-8488 / 593-7755

TA BENDE

Ta bende un frigidaire segunda mano, ta traha bon. Prijs ta Afl. 150,- bin buscele awe mes.
SMS mi at: 568-1357



TA BENDE

Bolivares pa mas informacion yama
Tel: 594-9069

TA HUUR

Un cas na Burancana den residencia di better home cas 3 camber, 2 baño, un ta un studio camber, muebla of no muebla. Puntra pa sra. Ennide
Tel: 733-1201

TA BENDE

Set di cama palo Afl. 1500,-, Un frigidaire dos porta blanco Afl. 900,- mesa di sala Afl. 100,- Set di spiel cu su mesa Afl. 500,- diferente cuadra pa Afl. 100,-/75,-/50,- etc
Tel: 563-7675

TA BENDE

8 Boeki di Colegio EPI Unit Economia Administratie.
Cel: 630-7127

TA BENDE

Printer, Scanner, Fax & copy machine (epsm) Afl. 275,- Piano (roland) XP-80 Afl. 1150,- Pa mas informacion
Tel: 588-3133 - 594-5025

TA BENDE

Un Toyota Tercel 1999 motor den bon condicion. Pa mas informacion yama.
Tel: 690-1242

TA HUUR

One Bedroom apartment full muebla. Inclui awa y coriente. excl. coriente di airco. Vecindario Pos Chiquito. Pa mas info.
Tel: 593-8488 / 593-7755

SERVICIO PUBLICO

Musica varia pa tur gusto y pa tur edad. Pa bo fiesta of establecimiento yama 2Sum Band. Pa mas informacion yama
Tel: 561-4180 - 583-9012

TA BENDE

Un Harley Davidson costum. Hopi bunita, nobo gespuit, hopi chrome messs Prijs Afl. 25.000,- Pa mas informacion
Tel: 733-9993

TA BUSCA

Señora ecuatoriana ta busca trabao di limpieza de casa, cuidar niños o hente grande. Pa mas informacion
Tel: 995-2371

TA BENDE

Quadraiser KJMO MXV 300, un doño, bon condicion. Pa mas informacion
Cel: 594-9069

TA BENDE

Pomp pa pos Afl. 75,- Spiel grandi Afl. 75,- kashi antiek Afl. 250,- mesa di camber antiek Afl. 250,- mesa di comerdor 6 stoel Afl. 250,- stoel cu cabes di leon Afl. 125,-
Tel: 740-6673



TA BENDE

Ford F-350 dually full equipped 2000. 4 drs. wheel size 22", color shinishi silver Hopi bunita, hopi extra's Prijs Afl. 45.000,-
Tel: 593-0403

TA BUSCA

Tereno eigendom of erfpacht pa compra. 400 - 500m² den vesindario di Alto Vista (Noord) ta paga Afl. 40.000,-
Tel: 568-1357

TA BENDE

Mata di Fruta super bon prijs. Tambe nos tin machine pa carpinte
Tel: 733-9993

SE OFRECE

Servicio de mte. aires acondicionados derivaciones de TV por cable, instalaciones electronicas residenciales.
Cel: 749-8756

TA BENDE

King size bed cu cabes Afl. 450,- Dvd, CD kashi Afl. 35,- Stoel pa baña bejaarde, walker pa tur Afl. 140,-.
Tel: 747-3492

TA BENDE

1 Plastic glass clear di 6mm x 205cm x 75cm di Dytham prijs Afl. 200,- Pa mas informacion please yama
Tel: 593-9369

TA BENDE

Un varios materiaal di Hyundai Acent '01, windshield, dashboard etc na bon prijs, Un Mitsubishi '92 300GT standard Afl. 5000,-
Tel: 734-1541 /593-6899

TA HUUR

Un apartment na Madiki, 1 camber, sala, cushina, baño bon pa pareha cu yiu. inclui gas. Coriente y awa apart Afl. 800,- plus 1/luna borg
Tel: 567-0225

TA HUUR

Un apartment 1 camber. salita, cushina, baño. incl. cable, exclusife awa, coriente. Afl. 800,-
Tel: 562-2149

TA HUUR

Un 1 camber cu tur cos aden. Brikstraat pa mas informacion yama
Tel: 564-1979

TA HUUR

Un 1 camber grandi cu baño y w.c.
Tel: 561-7112

TA BUSCA

Pa compra boeki di Epi ste jaar Hospitality and Management.
Tel: 568-1862

TA BENDE

Cabrito pa cria di un te cuanto cu bo kier compra. Esun cabrito cu tin baby bo ta haya e cabrito baby gratis.
Tel: 741-2537 /734-7327



BON DIA Aruba

DENUNCIA MALTRATO

contra Hende Muher
Tel: 583-5400

Happy Birthday



Awe Charlotte de Kort ta di fiesta, pasobra el a cumpli un aña mas di bida. Felicitacion ta bin di parti di su coleganan di trabao, su famia, amigo y demas conocinan, kendenan ta manda bis'e cu nan ta warda riba e treat.



Mañan nos ta grita Hiep Hiep Hoera pa Wendy Lacle, kende a cumpli un aña mas di bida. Felicitacion ta bin di parti di tur su famia, amigo y conocinan, kendenan ta manda bis'e masha pabien.



Diadomingo ta cumpli un aña mas di bida Brian Lampe. Felicitacion ta bin di parti di su amigo, famia y conocinan, kendenan ta desea Brian, hopi pabien.



Diadomingo ta cumpli aña e conocido locutor DJ Oz, Ostrick Jansen. Felicitacion ta bin di parti di tur su famia y amigonan tanto na Aruba como Hulanda, nan ta manda bis'e pa e pura bin Aruba pa caba pa bin pasa pret.



Diadomingo ta cumpli un aña mas di bida e conocido makeup artist, Maruta Veeris. Felicitacion ta bin di parti di tur su colega, amigo, famia y conocinan, kendenan ta desea Maruta masha pabien.



Diadomingo, e animalitonan rond di Aruba ta grita Yeehaa, pasobra Philip Merryweather lo bay cumpli un aña mas di bida. Felicitacion ta bin di parti di tur su famia, amigo, conocinan, coleganan di Philip's Pet Collection, como tambe e publico general cu ta bishita e bunita habitat aki. Philip, masha pabien.



Ayera a cumpli un aña mas di bida, e Network Diva, Tessa Pietersz. Palabra di pabien ta bin di parti di tur su famia, su coleganan di ATV, amigo y conocinan, kendenan ainda ta desea Tessa masha pabien.



Mañan e ciclista Martijn Balkenstein lo grita "It's my Birthday". Felicitacion ta bin di parti di su amigo, famia y conocinan y principalmente su coleganan di CBS.



Diadomingo ta haci un aña mas di bida Marc Paalvast. Felicitacion ta bin di parti di su casa Moira, amigo, famia y conocinan. Masha pabien.